


# UKUSHA FYONSE

 Kuti mwaikalako. Ndefwaya ukumweba bonse ukutula icungulopo mukwai. Ndi uwansansa nganshi pakuba muno muno nshita yabushiku. Ndeshimona ukuba insambu ishisuma ishikalamba nganshi pakuba kuno, kuli cino chalichi icipya, mukupepa Shikulu. Ifwe twalibafye abaenekela nensansa kuli ici, ukwisa kuno lubali, panshita ntali, panshita yakukwata isenge nabantu, nokusangalala muamapalo, nokucetekela ukutula tuli nokuba ipalo kuli imwe mwebantu. Kabili ilyo umulungu watendeka ukuya pantanshi nomba, kabili apo ninshi twaishiba ukutula umusonkano uli mupepi nomba, ukutendeka pali Cine.

<sup>2</sup> Kabili Nacumfwafye cino cungulo, kuli Munyina Williams, ukutula tuli nokukwata ico tatwaleenekela pali Cine munshita yabushiku. Munyina Oral Roberts akaba naifwe, ukulanda, pali Citatu ubushiku. Ico cili nokuba icine cine icakukana enekela icisuma kuli ifwe bonse, pantu Munyina Oral icine cine nikalanda wamaka. Kabili kuti caba icisuma ukumumona, palwandi, nakabili, ukuposhya ukuboko kwakwe.

<sup>3</sup> Kabili mailo ubushiku twali ku Tempe, ku Assembly of God, Ndecetekela efyo bakwita, kulya lubali. Kabili—kabili ifwe icine cine twalikwete inshita iisuma ubushiku bwafumineko ku Tempe. Kabili tulakwata inshita iisuma muchalichi conse ico tuletandalila kuno muncende ya Phoenix, namu Tempe. Kabili tuletotelafye pali ifi fintu apakalamba nganshi, icakuti kuti twafilwa nokucilondolola.

<sup>4</sup> Inshita ishingwi Nshikwita inshita yakucita ici, njisafye ubushiku bumo muli cila chalichi, nokulanda kubantu nabamunyina bakapyunga. Kabili cena cilampela ishuko ilinono ukulangisha ukutotela kwandi pali aba bantu, ifi filonganino ifyapusana pusana namabumba yabantu. Pantu, cena cili, bena baliba abakutulipilila abakalamba kunse mumulimo, mumulimo wamufyalo fyakutali kabili nakonse fye, kabili muli uyu musango kuti Nakwata ishuko ilinono ukulondolola ifyo Naumfwile palwa bena, mukutasha.

<sup>5</sup> Kabili ifwe twaba pamo nababa palwabo kabili na... Ndecetekela, Church of God, Assemblies, kabili cila umo; kabili, kufyalo fyakutali, ba Foursquare, Church of God, Assembly of God, kabili naba Jesus Name. Kabili, bonse muli bena, bena bamoneka fye ukuba umo ilyo twaisa capamo mukukwata ukulongana kulya muncende shabulwi. Kabili, namwishiba, kuno kung'anda kuti kwabako ukupusanako mukutontonkanya, lelo ilyo caisa mumpanga ya bulwi, mulandu nshi, tapali ubupusano lyena. Mwamona?

<sup>6</sup> Nakushiwe mulupwa ulukalamba. Mwali ikumi ilyabana. Kabili ifwe fwe balumendo kuti twaya kunuma yang'anda, kabili kuti twalalwa umo nomubiye, oh, owe. Abalumendo pabula, umukashana umo, kabili mucine twalelwa. Lelo takuli nangu umo uwaletutendeka kuntanshi yang'anda, kunse mulubansa lwa kuntanshi, pantu nga batendeka umo ba Branham balefumina kuncende konse konse. Eico Ndetontokanya ulya e musango cabelamo nabana bakwa Lesa, Chalichi.

<sup>7</sup> Kuno imyaka iyapitapo, Nali mu Houston, kabili twalikwete ukulongana ukukalamba. Kabili kulya na... Nalikwete bakatungilila abengi kulya; Munyina Raymond Richey, na—naba Assemblies of God, kabili a—kabili abantu baku Jesus Name, kabili nabonse abapusana pusana. Kabili twalikwete ukulongana ukukalamba. Kabili twali ku Music House. Ukuba, kuti twaikala nalimo amakana cinekonse konse, Ndemona.

<sup>8</sup> Kabili kwaliko ka—kapyunga waku Baptisti uyo walefwaya ukubecanya naine ukupitila mukulanshanya, pali Baibele, ukuti ubundapishi bwa Mupashi wa Mushilo tabwali ubwalungama. Ukuba, Nalipita mufintu ifingi palwa ico. Mulandu nshi wingonawila inshita yabushiku pali umo uushacetekela, ilyo kuli amakana ayekele ukuti bapepelweko, mwamona? Eico kanshi alicibikile mwi pepala, ukutla Nalitinine ukucita ico.

<sup>9</sup> Kabili Munyina Bosworth umukalamba, uwali mupepi nemyaka yakufyalwa amakumi cinekonse konse, atile, “Oh, lekeni ine ncite ico.”

<sup>10</sup> Kabili Natontonkenye pali Kalebu, namwishiba, “Lekeni mbule ulu lupili.” Eico Natile, “Munyina Bosworth, Ine—Ine tekuti mfwaye iwe ukutalikishanya. Kristu tafwaya ifwe fwe bena Kristu ukutalikishanya umo nomubiye. Ngo muntu aba ushacetekela, mulandu nshi, ena aba fye uushacetekela, epela fye. Takuli nangu cimo ico mwingacita palwa cena.”

<sup>11</sup> Kabili eico atile, “Ukuba, ifyo cena caba,” atile, “nga cakutla twaya, panuma bena babika ico mwi pepala,” atile, “bakatilafye tuli ibumba lya, namwishiba, tatwaishiba ifyo tulelandapo, fya kumfwa umfwa fye.” Atile, “Ndekabila nga mwalimpele akashita.” Kabili Namuloleshe naiminina palya, mupepi nemyaka yakufyalwa amakumi cinekonse konse, kabili ukuba fye uwashininkisha muli lilye Lembo.

<sup>12</sup> Natile, “Ukuba, Munyina Bosworth, nga walampela ukuboko kobe nokulaya ukutla tawakaye mukuilishanya.”

<sup>13</sup> Atile, “Oh, Nshakaye mukuilishanya.” Eico aikile nokuya panshi, mukweba bakalamba welyashi.

<sup>14</sup> Kabili mucine, namwishiba ifyo amapepala yacipupwishe, mwamona. “Amasako ya bukapapa yalapupuka,” namwishiba.

<sup>15</sup> Twafikile pacikulwa umubela amangalo, pancende yacintu bwingi, kabili ubo bushiku twakwete abantu ukufika kumakana yatatu abaishile. Kabili nomba caishile langisha kulya, ukutila abantu baishile nendeke, amashitima. Ndemweba, baninine pangamaliya shacifutu cimo, ififutu fibili, nengamaliya ishafifutu fitatu, lelo bonse balenwa kuli cilya cishima ukwaba incende yaifwe bonse, cimo cine. Ifintu fyonse fyali pamo. Kabili fyena fyaile. . . Nakwetefye ipalo ilikalamba ukufuma muli ico, nga natontokanya nomba. Mwamona, ilyo icakutitikisha caisa, kwali icintu twakwete icali pali bonse ifwe, ifwe bonse twalicetekela mu Mupashi wa Mushilo nokundapwa kwamaka yakwa Lesa. Eico umuntu onse alishilepela iciputulwa cakwe.

<sup>16</sup> Kabili eico twalishiba icacitike ilya nshita yabushiku, ifyo ukutila Mupashi wa Mushilo aishiletampa ukutungulula. Kabili e lintu Malaika wakwa Shikulu aikile. Bakopele icikope ca ico. Kabili—kabili cafumine kulya ukuya ku Washington, DC, ku kushininkishiwa. Nomba, panuma yaico, cena casendelwe mukweshiwa nefintu. Kabili George J. Lacy, umukalamba waba FBI, alembele a—amashiwi palwa cena. Kabili emukalamba wafyalembwa ifyafwatikwapo neminwe kuli ba—kuli ba FBI. “Cena cali mucine cine Icibumbwa cakupapusha. Ulubuuto lwasanikile pamagalasi wakamela. Cena tacali cakwishiba amano.” Atile, “Lyonse nanda ukutila ukulongana kobe kubafye pakubelenga amatontokanyo yabantu, nako. Natontonkenye ukutila mubelenga amano yabalya bantu.” Atile, “Lelo ilinso lya mashini waba muli uyu kamela tekuti lisende ukubelenga amano, Mista Branham. Lwaumine pa magalasi.” Atile, “Luli apa.”

<sup>17</sup> Eico, nomba, Lwena lwalikopwa. Lwalikopelwe ku ntanshi yaico, kabili inshita ishingi panuma yaico. Ukuba fye, Ndetasha nganshi pakwishiba. Abantu abengi muno balicimona cilye cikope, teifyo fine? Ndemona, oh, mwebengi mwalicikwata.

<sup>18</sup> Ndi uwansansa pakwishiba ukutila nangula ukusela kwa Penetosti muno munshiku shakulekelesha kwililandwapo, lelo, Ndemweba, mukusenda ilyashi lyakale ilya Baibele. . .

<sup>19</sup> Ine elyo napitile mu—mu lyashi lyakale ilya chalichi, pamyaka ibili iyapitapo, ukufuma kumfwa yamutumwa wakulekelesha, Yohane, pacishi ca. . . ilyo ena afumine pa Cishi ca Patmo, kabili aishile no—nokupwisha ukulemba ama Buuku noku Yabika pamo. Aposelwe kunse kulya pantu alebula Ukulemba kwa batumwa nokupanga Baibele ukufuma muli Cena. Kabili ulya e mulandu wine atwalilwe ku Cishi ca Patmo. Panuma yawwipikwa mumafuta akasuba nobushiku, kabili nomba bamuposele pacishi. Kabili abikile ama Buuku pamo. Kabili kunse yaico, Lesa amupele Ibuuku lyakulekelesha ilya Baibele, Ukusokolola.

<sup>20</sup> Kabili ukubwekela, Natendeke ukufuma mulyashi lyakale

ilyakwe kulya, nokwisa kulyakwe...umo pali bakakonka bakwe, Polycarp, Ignatius, kabili abengi muli bena, mpaka kuli Martin, Irenaeus, Justus, Saint Columba, ukuya ukupita, ukuya munkulo yamfifi, nokupita, nokufika muli—muli Lutherani, na Wesley.

<sup>21</sup> Kabili Nalisa sanga ukutila, nangu kufuma munshiku shabatumwama, muli yonse ilye milimo ikalamba iya Mupashi wa Mushilo, takwaba iyacila pali uku ukusela kwakulekelesha ukwakwa Shikulu, muno munshiku shakulekelesha. Tatwiluka ico, bacibusu. Kuliko ifintu ifilecitika nombu ifyo ifingashininkisha Lesa, ngecikope cakwa—cakwa Kristu, icili nefwe, ico tabakwete bamashini bakukopelako muli shilya nshiku. Lelo nombu umuntu alesha ukucita icintu cimo, ukufumya kuli Lesa, kabili Lesa abula icacitwa cimo cine nokuishininkisha Umwine eka kuli cena. Eico cena fye... Tamwakataleya kuntanshi yakwa Lesa, pantu Ena wamaka yonse, uwaba konse konse, uwanshita pe. Takwaba inshila yakufuminamo kuli cena. Ifwe twabafye abapetama noku Mubombela, e cintu icawamisha ico Naishiba ukucita.

<sup>22</sup> Ndi nensoni, lelo Nshilecetekela ukuti Nalishiba ishina lyakwa kakumba, muno mu chalichi. Ine... [Munyina Griffith states ishina lyakwe—Kale.] Munyina Griffith, Ine mucine ndi uwansansa ukukukumanya, munyina, kabili nenshita yakwisa kuno neli senge, ukuba pamo naimwe, uku... .

<sup>23</sup> Ifwe lyonse twalitemwa ukucilanda nga ifi, kuli abo abalebeshi abaleikala ku Sunnyslopes, pantu tuli balebeshi muno, abeni. Tulalanda ukutila pano tepamwesu. Ifwe tuli lubuto lwakwa Abrahamu, “Tufwaya Umusumba untu Kakula kabili Kapanga ni Lesa.”

<sup>24</sup> Kwaliba icalo icisuma. Nshiletontonkanya ukutila kwaliba icili conse icaba nga ico, ico Namonapo. Kabili nalyenda mupepi necalo conse mwisonde, kabili Nshatala monapo icintu nangu cimo mu Europe, mu Italy, mu Asia, ukuli konse ku Kabanga, uko ukwigalingana na Phoenix, ku Arizona. Nomba, ico nacilungama. Yena nincende iyawamisha nganshi iyo Natala monapo. Lelo, oh, yena ikamoneka kwiti kashila kapakati kafikulwa, pamulu pambali yaico icili nokuba muli ilya myaka Ikana limo iikalamba. Eico ifwe tuli—ifwe tuli... .

<sup>25</sup> Kuno tekumwesu. Ifwe tuli balebeshi kuno, kabili tuli nokwisakwata ili senge capamo.

<sup>26</sup> Cena lipalo kuli ine ukuba kuno nokumona chalichi cakwa Lesa ukulunduluka, icikulwa cipya, kabili nafimbipo. Lesa lyonse alemupala mwebantu! Beni abanakila kuli Kristu. Ikaleni aba cine kuli kakumba, nokubombela capamo, ukubombela pamo nankwe, pantu Nalicetekela ukutila Ukwisa kwa kwa Shikulu kuli nokuba ili line.

27 Nomba, lintu fye tatulapalama i Cebo, katupalame kuli Kalemba waciko mwipepo, ilyo tulekontamika imitwe yesu pakashita fye.

28 Ilyo tatulapepa, nemitwe yenu nemitima iyakontamikwa, bushe kuliko abalekabila ukupepelwako, kabili lekeni ico cishibikwe ukupitila mukwimya ukuboko kwenu, mumutima fye wenu mulekabila icintu cimo, kabili tileni, “Shikulu Yesu, njibukisheni”? Shikulu alemona ukuboko konse. Ninshininkisha.

29 Shifwe Uwa mu Myulu, ifwe tuli abansansa nganshi paku Mwita “Taata,” Kabumba umukalamba uwamyulu nesonde, Elohimu umukalamba, El-Shaddai, Kapela Wamaka, Kalisha, Umo Uwalingilwa Fyonse. Kabili ukupitila mu Mwana Wenu uwatemwikwa, Alitwebele ukutila: nga kuti twaisa kuli Imwe, nokulomba icintu icili conse, ukubomfya i Shina Lyakwe, ukutila Ena kuti amona ukutila cena calipelwe. Kabili, Taata, ifwe twalacetekela ukutila ico caba pafyakukonka fimo. Nga twalomba icintu cimo icalubana, tekuti tukwate icicetekelo ukucetekela ukutila kuti caasukwa. Lelo nga kuti twabebeta imitima yesu muno bushiku, tatulelomba icili conse icalubana, lelo ico icili icalungama, e kutila, Mwalatwelela kumembu shesu shonse namampulu, mucine cine, Shikulu, ico e cintu icantanshi.

30 Tatulefwaya ukweshwa ukwingila mu Kubapo Kwenu nolubembu pali ifwe. Eico, ukwishiba ukuti, cila bushiku, amafya nefintu ifituponena, ico tekuti cimoneke nangufye mukutontokanya kwesu, lelo, lintu twaisa mukutontokanya pali Lesa uwamushilo, Abo nangula ba Malaika baba abafiko mucinso Cakwe, lyena twalishiba, Shikulu, ukutila tatukwete nangula ishuko kano fye twapita mu Mulopa wakwa Yesu Kristu, kabili nomba twaba abana bakwa Lesa. Ifilubo fyesu fyalicililwa, ilyo tuleyebelela palwa yena.

31 Kabili Napepa, muno nshita yabushiku, Taata, ukutila Mwalapala ulu lukuta ulwacimya amaboko yabo. Namwishiba icaciba kunuma yamaboko yalya: itontokanyo, ukukabila, kabili—kabili icili kunuma yakwimya nomulandu baleiimisha yalya maboko. Napepa ukutila Mwalapela cila umu icakwipusha mumapepo cabo.

32 Kabili nomba, Taata, twapepelako ici chalichi. Tuli abansansa nganshi, ukutila, ino ncende. Nga twabelenga munshiku shakale, uko abena Kristu bapatilwe nganshi, icakuti balefilwa nokukwata ichalichi. Ukutila, bali ababusu nganshi, bena nga tabakulile cimo nga bena balicikwete, nokumona ukuti, nangu, balikwete ishuko lyakucita ico. Kabili nomba, ileelo, ukumona ifikalamba, ifikulwa ifisuma fileya pamuulu, ifyabusaka, umu abantu baba, kuti baisamo nokupepa Lesa. Ifwe tuletasha nganshi pali ici. Kabili pelambo ilyo, abantu,

necekumi cabo nomusangulo ne—nefyakuleta pamo, balikula ino ng'anda yakwa Shikulu.

<sup>33</sup> Nomba, Taata Lesa, Napepa ukutila Mwalapaala kakumba waciko, ba dikoni baciko, abacetekelwa baciko, nacila membala uwisa kuno. Lekeneni cena cikule, kabili noku kula, kabili noku kula. Kabili lekeneni ici chalichi, cikatampe ukupuputulwa kwakale ukukapita muno mumupokapoka, ukupitamo nokupitamo. Lekeneni kube ifishibilo ne fipapwa fise ukufuma muli ici chalichi, ifyakundapa, ipusukilo. Lekeneni cibe ing'anda yalubuuto kucalo conse. Cipeleni, Shikulu.

<sup>34</sup> Lekeneni, ukufuma pali ino ncende, baye bakashimikila abasuma, abalumendo, ubwite bwakwa Lesa mumweo wabo, ukuya kumilimo yabu minshoni, konse uko baketwa. Cipeleni, Shikulu.

<sup>35</sup> Kabili muno bushiku, ilyo tulongene capamo, lekeneni Mupashi wa Mushilo ese, engile mu Cebo, nokubyalafye Ulubuto mumutima onse uuli muno. Lekeneni ifwe necetetekelo tu Citapilishe, akasuba nobushiku, mpaka Cikamene ukuba ifimuti ifikalamba kubukata bwakwa Lesa.

<sup>36</sup> Undapeni umuntu onse umulwele, Shikulu, uyo uli muno muno bushiku. Pususheni umuntu onse uwaluba. Bwesheni bonse ababwelela kunuma. Nokupanga cipya cipya nokwisusha nakabili abo abaisushiwapo nakabili. Cipeleni, Shikulu, pantu twalombela ici mwi Shina lyakwa Yesu Kristu, Umwana Wenu. Amen.

<sup>37</sup> Nomba, Nincelwako panono, nga pe. Naciba panono pantanshiko muno bushiku ukucila ifyo Nacilasubila ukutila cena cingaba.

<sup>38</sup> Kabili eico ifwe tuli, mailo munshita yabushiku, pacifulo cimo. Ndemona nababilisha kale palwa cena. Kabili nomba, nga namukwata ukulongana kuchalichi cenu kuno, mailo munshita yabushiku, mwikesa. Lelo nga tamwakalongane, ifwe kuti twaba abansansa ukuba naimwe. Ifwe lyonse tufwaya abantu ukwikala pacifulo camulimo wabo, temulandu. Ilyo ichalichi caisuka, onse umushilika afwile abamumulongo wakwe kabili mucifulo cakwe.

<sup>39</sup> Kabili eico ifwe tuli pano kukumutandalila kabili natukwata inshita iikalamba, ilyo takulaba u—umusonkano wa Baume ba Shimakwebo. Kabili nga fintu Mbilishe kale, Munyina Roberts ali nokuba kuno kukwisula ukulongana, pali Cine ubushiku. Ifwe tukaba abansansa nganshi ukukumanya Munyina Roberts. Kabili nomba Ndemona, limbi pali Cisano, Munyina Velmer Gardner ali nokuba kuno. Nshishibe nga cakutila ena ali nokulanda muli ilya nshita yabushiku, nangu iyo.

<sup>40</sup> Kabili Ndetontonkanya capelwe kuli ine, ukuba kulya pa Cibelushi ulucelo, kumwikulo. Kabili nga bufwayo bwakwa

Lesa, kabili kuli ine ukulanda pa Cibelushi ulucelo, Ndefwaya ukubula isambililo, nga cakutula lili nokuba, nga cakutula cena bufwayo bwakwa Lesa: *U Muntu Wabipisha untu Natalile Kumanyapo*. Eico, kabili—kabili lyena, pa Mulungu icungulo, Ndi nokulanda nakabili. Eico nga imwe muli. . . Nomba, pa Cibelushi ulucelo, takuba amapepo, nga fintu Naishiba. Kabili pa Mulungu mucungulo takuba amapepo, ukulingana nga fintu Naishiba.

<sup>41</sup> Nomba, ilyo Nshilatendeka, Nindaba ukutula Ninkwata. . . Iyo. Ndecetekela Billy acilanda ukutula napela fyonse ifyashala ifitupa fyakupepelwapo. Bushe ico nacilungama? Bushe kuliko ifitupa fyakupepelwapo ifyipelwe pano muno bushiku? Ukuba, ena apele iciputulwa ca fyena, kuchalichi cmbi, mailo ubushiku, pantu Ni—Ninsunga abantu inshita itali nganshi.

<sup>42</sup> Ndashimikila inshita itali, ama ola mutanda nangu cinekonse konse, icintu cimo icapala ngefyo, inshita imo, ilyo Nasendwa. Nomba, Nshi. . . Muno bushiku, Nshiminine pakushimikila pali citika uwa ico. Fye. . . Eico Natontonkenye ukutula ifitupa fyakupepelwapo, elyo kabili ifwe. . . imwe kuti mwaya ku ng'anda pakati kabushiku, nangu cibe fyo, eico kanshi panuma yakukwata umulongo wakupepelwa. Eico, nga cena ni citika fye uwacilya. Kabili Nshaishiba, lelo cilansenda fye inshita ntali nganshi ukulanda ifyo Naishiba. Eico, ifyo Naishiba, Nalitemwa ukucilanda bwino nganshi, Ndasenda fye inshita yandi nacena, namwishiba. Ico cisuma. Nacilasekeshafye apo, pantu Nde—Ndesha ukufuma, mumama miniti amakumi yane na yasano, nangu icintu cimo, ukutampa umulongo wakupepelwa.

<sup>43</sup> Ninkwata fye ilinono, Ilembo limo pano muno bushiku ilyo Ndefwaya ukubelenga, nokubula isambililo, kabili Ndepepa ukutula Lesa ali nokulipala lyena. Nga mulefwaya ukulibelenga ilyo mwaya ku ng'anda, lyena lili muli Marko, chapitala 10 kabili na vesi ya 28.

*Elyo Petro atendeke ukusosa kuli ena, Moneni, ifwe twalisha fyonse, nokumukonka.*

<sup>44</sup> Nomba, Ndefwaya ukubula isambililo, ukukulapo pafyacitike pali ilyo, ilya: *Ukusha Fyonse*. Kabili nomba, munshita inono, twalapepela abalwele. Kabili nomba, imwe mwebaishiba na Marko, chapitala 10, kunuma ya cena. Fye. . . Yesu alelanda, inshita imbi, palwa kulekana.

<sup>45</sup> Kabili nomba nao Alikwete icintu cakusungusha nganshi ukucitika. Kwaliko umulumendo uwafyuma uwaishile alebutukila kuli Ena, kabili atile, “Kasambilisha Musuma, ni cinshi ico Ningacita pakukwata Umweo wa Muyayaya?”

Kabili Alimwebele ukutula, “Ulesunga amafunde.”

46 Umulumendo atile, “Nalicita ici ukufuma kubwaice bwandi.” Nangu, “Mafunde nshi?” Kabili Alimwebele ifyo bena bali. Kabili atile, “Nalicita ici.”

47 Atile, “Lelo icintu cimo ico ulebulisha. Nga ulefwaya ukukwata Umweo wa Muyayaya, ube uwapwililika, elyo ushitishe fyonse ifyo wakwata nokufipela kubabusu. Senda icapindama cobe noku Nkonka.”

48 Natukonke ulya mulumendo uwacaice pakashitafye akanono ilyo ttulaingila mwisambilisho, pakupela umufula.

49 Nomba, mwamona, ulya mulumendo bamwipwishe ukusha fyonse, lelo alikene ukucita ico. Kabili inshita shimo nga twabikapo ukulunduluka nefyuma, kabili nafimbipo, “ukulunduluka,” lelo uyu mulumendo ali uwalunduluka umulumendo kabili takwete Umweo wa Muyayaya. Eico, inshita shimo, ukulunduluka takupilibula lyonse ukutla Lesa alepala.

50 Lelo lekeni tumukonke. Ifwe twamusanga pano nomba muli bumusepela bwakwe, umwaice, limbi umusuma, umwaice, umulumendo uwafwele bwino. Baibele itila, ukuti, “Yesu alimutemenwe.” Alingile alikwete umusuma, uwawama, kampingu uwanakilila. Alingile ukuba u—umusuma umuntu, nga teifyo tekuti ongole ukutemunwa kwakwa Shikulu Yesu. Pantu, ilyo Yesu aloleshe pali ena, “Alimutemenwe.” Alingile alikwete iminonekele isuma, kabili ukulolesha ukusuma kuli ena, umwaume uwabusaka, umulumendo uwa mimonekele iyaololoka. Kabili aendele ukuya kuli Yesu, nalimo ukutontokanya, mubufumacumi, kabili atile, “Ndefwaya ukwishiba ifyo Ningacita pakukwata Umweo wa Muyayaya.”

51 Kabili ilyo ali nokusha ifyo akwete, pakukwata Umweo wa Muyayaya, nomba ilipusho lyali pa mpongolo, nga cakutla imwe kuti mwacicita. Kabili lilya ilipusho lili pacinso caonse pakati kesu. Kabili Yesu mucine alimwipwishe ukusha fyonse ifyo akwete, ukusenda ulupanda lwakwe, noku Mukonka. Kabili twalishiba ilyashi ukutla. “Aliile nobulanda, pantu alikwete ifyuma ifingi nganshi.”

52 Nomba Yesu alipilibwike, kabili atile, “Ifyo cikaba icakosa kumuntu uwacuma ukwingila mu Bufumu bwa mu Muulu, nge ngamali ukupita mulinso lyanyeleti. Lelo ico tekuti cicitwe nomuntu, lelo,” Atile, “na Lesa tekuti cikane ukucitwa.”

53 Natukonke uyu kateka munono. Inshita imbi tulemusanga, muli Baibele, ena tatalile. . . lilya line fye ilyo ena akene ishuko ilyakukonka Yesu, ilyo calambalikwe kuli ena icakosa nganshi.

54 Mwamona, tufwaya ukwikatilila kufintu fyonse ifyo twingacita, elyo kabili ukukonka Yesu. Lelo inshita imo Yesu afwaya twalekelako ku fintu fyonse, icakuti twapela amaboko yesu yonse kuli Ena. Inshita shimo tulatontokanya ukutla, pamulandu ne—nefyo twaikatilila.



<sup>55</sup> Cilenjibukisha pakantu akanono ilingi line Ndalanda, pabakashana bandi abanono babili. Bena tabali abanono nomba, kabili bali pamushinku uwakukula abakashana. Lelo, ilyo bali abanono. . . Umo pali bena ni Rebekah; ena emukalamba. Kabili, Sara, emunono. Kabili Becky akwata amenso ayamakumbi makumbi, kabili Sarah akwata ayacinya muti. Lelo bonse babili bakashana bakwa taata, namwishiba. Kabili eico balalolela ukumona ukwisa ku ng'anda, kabili lyonse balitemwa ukumona. Kabili eico Becky aba ngo. . . ali ngo mutali, uwaonda umukashana. Kabili Sarah ali umunono, uwapala ngo mwipi, umuntu umunonoko.

<sup>56</sup> Kabili eico bena balendolela ukwisa ku ng'anda, ubushiku bumo. Nalifuminepo naile kumisonkano, kabili balishibe ukutila Nali nokubwekelamo ku ng'anda, eico batontonkenye ukutila kuti balolelako panono. Kabili nga Naisa kung'anda, balefwaya ukumona. Ukuba, umwaume wamucanga afwile aliposele umucanga mumenso yabo, kabili balyumfwile utulo. Kabili mukulekelesha baile mubusanshi, mulya mumuputule wabo.

<sup>57</sup> Kabili Nalichelwa pakufika. Eico nalingile, Nali uwanaka nganshi, naile mubusanshi. Kabili panuma yakulongana, kabili nafimbipo, Ndanaka nganshi icakuti Ndafilwa ukusendama, panuma ya milungu inono iyakulongana. Kabili Nalisendeme nalimo ama ola yabili nangu yatatu, nalibukile, naile mu—mumuputule wakutushishamo, nokwikala fye mucipuna. Nalikele mulya mucipuna, ulucelo celo.

<sup>58</sup> Kabili panuma yakashita, Becky apilibwike, mumuputule wakwe uwabusanshi, kabili ena ailwike ukutila bwena nabuca. Kabili ena aloleshe kunse ukupita munshila, kabili alimwene ninjikala mulya mucipuna. Aishile fuma mubusanshi, namaka, uto utunono, utwaond, ututali utumolu tulebutuka.

<sup>59</sup> Ukuba, ico—ico catinishe Sarah. Kabili Nshishibe nga cakutila abana benu balacita ico, nangu iyo, lelo, owe, naukwatila icintu cimo icamukalamba, kabili nomwaice asenda icafwalwamo icobamupela. Kabili Sarah afwele ifyakufwala fyakusendaminamo ifyakwa Rebekah, amolu yali ayakulu, namwishiba, kabili yalikulishe kuli ena. Kabili, ena, aishilefuma mubusanshi, kabili yalya amolu ayakulu yalepupuka. Kabili ena alifililwe ukusanga Rebekah.

<sup>60</sup> Eico Rebekah alifikile bwangu kuli ine. Kabili aishile tolokela pamolu yandi, nokunkumbata, ifyaba nga. . . Aali kwikufi lyandi iyakukulyo namolu yakwe ayatali yafikile panshi. Aali uwaikala bwino.

<sup>61</sup> Cena cinenga ukwibukisha patubungwe tumo utwakubalilapo, namwishiba, uto twaisa. Namwishiba, twaliba pano inshita ntali, utwamolul ayatali, nafimbipo, utwaikala bwino.

62 Kabili Sarah lishile, umunono, chalichi uwaice, namwishiba, uuushilabapo inshita ntali. Kabili alimona ukutila Becky limucila—alimucila palya.

63 Eico Rebekah alinkumbete. Aloleshe konse konse. Atile, “Sarah, nkashi yandi, Ndefwaya wishibe icintu cimo.” Atile, “Nine nacibalilapo.” Kabili atile, “Bataata bandi bonse, kabili tapali abashelepo abobe.” (Bena balesha ukutweba ico, namwishiba, inshita yonse.) Atile, “Nine nacibalilapo ukwisa, kabili bataata Nimbakwata bonse, kabili tapali abashelepo abobe.”

64 Sarah umunono umubusu aponeshe umutwe wakwe panshi. Umulomo wakwe uunono waponene panshi. Atendeke ukuya, kabili ifilamba muli yalya menso ayakalamba ayakashikila. Kabili Becky akontamike umutwe wakwe pakubeya kwandi, ukwasha ukunkumbata.

65 Nalisendele umunwe wandi nokuutwala nga *fiya*, kuli Sarah, nokufumya ukulu kumbi. Alishile, nokutolokela pakulu kumbi, kabili, mulandu nshi, a—a—alifililwe ukwikala bwino. Amolu yakwe ayanono yalifililwe ukufika panshi. Lelo ena aali pakulu, nangu cibe fyo. Mwamona? Eico ena alepeluka nga *ifyo*.

66 Ukuba, ukumusunga ukuti epona, Nabulile amaboko yandi yonse yabili nokumukumbata, nga *ifi*, pakumwikata. Kabili Namwikatilile mupepi nanine, kabili ashintilisho umutwe wakwe pali ine panono.

67 Aimine nokulolesha pali Becky, kabili atile, “Nomba, Rebekah, nkashi yandi,” atile, “Ndefwaya ukukweba icintu cimo, naine.” Atile, “Kuti caba ukutila naubakwata bataata bonse, lelo Ndefwaya wishibe ukutila bataata nabankwata ine onse.” Eico ico nacilungama.

68 Eico ulya e musango tulefwaya. Tatulefwaya. . . Tulefwaya Ena ukukwata ifwe bonse. Eico, kanshi, muli fyonse, ukucita ico, tulingile fye ukwenda kunse kulya kucicetekelo noku Mucetekela, epela fye, kabili nokusubila fye. Ifwe tekuti tucilondolole. Takuli inshila nangu imo iya kucilondolwelamo. Tucicetekela fye, nokucisenda cena ngefyo fine.

69 Uyu mulumendo wafyuma, alikene ukuipela umwine kuli Kristu, kabili eico alile. Kabili tulemusanga, kuntanshi, ukutila aali. . . Alilundulwike nganshi, mpaka amatala yakwe yaisula nganshi, mpaka atile, “We mweo, tusha.” Oh, alilundulwike, ifintu fyonse. Ena alikwete ifingi nganshi, talekabila icintu icili conse.

70 Lelo icintu cimo calicitike. Inshita imbi ilyo twamumona, aimishe amenso yakwe kumbo, amwene kalomba ukutali pacifuba cakwa Abrahamu. Ico cali nipamulandu wakutila talekabila ukusha fyonse, icakuti akonke Shikulu Yesu.

<sup>71</sup> Nomba, ilyo ici cacitike, kabili ulya kateka uwacaice akene ukusha ukulekelako eflyo akwete, ukuti akonke Yesu, calishile kumano kuli Petro. Ndecetekela ewalandile, nangu ukwipusha ilipusho, ewaipwishe. Kabili atile, “Nomba, ifwe twalisha fyonse, kukukonka Imwe. Ifwe twalisha fyonse. Moneni ifyo twacita. Twalishile amayanda yesu. Twalishile indupwa shesu. Twalishile impanga shesu. Twalishile ifintu fyonse ifyo twakwete, ukukonka Imwe.”

<sup>72</sup> Cena caishile kumano yakwe. Nalimo alisendelwe nganshi kumulimo, ukulolesha Kristu, kabili nafimbipo, ukutila ena . . . Tacatalile acisa kumano yakwe, ukutila alishile ing’anda yakwe. Ashile ulupwa lwakwe. Ashile wishi wakwe, nyina wakwe. Ashile fyonse ifyo akwete, ukukonka Yesu.

<sup>73</sup> Lelo ico nifilya fine ifyo Lesa afwaya: ukusha fyonse no ku Mukonka. Ico ecilefwaikwa kuli Lesa. Tufwile ukucita ico naifwe. Inshita shimo tufwile twakana amatontonkanyo yesu yene. Nga cakuti amatontonkanyo yesu palwa cintu conse yali ayapusana ku Cebo cakwa Lesa, tufwile twasha ukutontonkanya kwesu noku Mukonka. Kabili inshila fye imo iyo twinga Mukonkelamo kukonka i Cebo Cakwe, ukunakila Cena. Nefyakwipusha ifyakwa Lesa nefifwikwa kuli Lesa fyakutila twasha fyonse noku Mukonka.

<sup>74</sup> Lelo mukucita ico, tulesanga ukutila, inshita shimo, tulingile ukusha ifibusa fyesu. Inshita ishingile ico cintu cakosa ukucita. Nomba, abantu abengi, ilyo baishile intanshi muli Kristu nokwisushiwa na Mupashi, limbi, nga abanakashi, balekwata amalila yamo ayo baleyako, lyonse ubushiku *bwakuti-bwakuti*, uko bena baleteya bunco mu bena mupalamano. Abaishiba fyonse ifyo—abena mupalamano, nefyaba ngeflyo, kabili ukuba mutubungwe tumo abena mupalamano, kabili baya, baleteya bunco. Kabili aba banakashi, namwishiba, bali nokulanda cintu cimo palwa cena. Bena tabali nokuciluka cena. Lelo, nomba, mulingile ukukana ico cintu, pantu tacaba icalungama ukuteya injuka, ukuteya injuka. Kabili ufwile ukukana ico nga wakonka Kristu.

<sup>75</sup> Inshita shimo abanakashi, mumachalichi yesu, uyo uwalefwala ifyakufwala ifyabulalelale, nga bakaputula, kabili—kabili aya amatoloshi. Kabili Baibele itila, “Cena ca muselu kuli Lesa, kumwanakashi ukufwala ifyamusango ngoyo.” Ena, temulandu ifyo atontonkanya, alingile ukusha ico. Limo limo tulasanga banamayo, nga baisesa Munshila nokupusuka, balibele she ukubeya imishishi. Kabili balefwaya ukwishibikwa nga bashala aba mwisonde. Lelo basanga ukutila, caliba icakosa, pantu balinokukwita uwama fashoni yakale, ilyo lyonse wafwala ngo mwina Kristu, ukulacita ngo mwina Kristu, ukwikala ngo mwina Kristu. Bakakwita uwama fashoni yakale, lelo ulingile ukusha fyonse, kuku Mukonka.

<sup>76</sup> Yesu atile, nangu Amalembo yatila, “Ena uyo uwatemwa isonde, nangu ifintu fya mwisonde, ukutemwa kwakwa Lesa takwaba muli ena.” Cisuma. Cena cisenda, ukusha bonse.

<sup>77</sup> Kulya, ilyo mulefwaya ukusha fyonse noku Mukonka, lyena, “Nga mwaikala muli Ine, kabili ne Cebo Candi muli imwe, kuti mwaipusha ico mulefwaya kabili cili nokucitwa kuli imwe.” Lelo, imwe tekuti, ukwishiba ukutila ifyo fintu fyalilubana. Namwishiba ukutila fyena filubo.

<sup>78</sup> Baibele ilabasusha: ukuteya injuka, ukupepa fwaka, ukunwa, ukufwala ifyakufwala ifyabulalelale. Kabili, nomba, ukulanda ukutila uli mwina Kristu. Nga ulyo mupashi muli imwe tauleebaula ico, lyena kuliko icintu cimo icalubana nomupashi uyo uli muli imwe. Pantu, Lesa Uyo walembele i Cebo e Cebo. Kabili i Cebo cili muli imwe, kabili Cena cilamwebaula. Cilingile ukucita ico. Kabili nga tacilecita ico, imwe mulebepwa. Musango nshi Mupashi wa Mushilo engalembela icintu cimo, kabili mwapilibuka nokucita icapusana kuli Cena, nokutila Mupashi wa Mushilo alekutungulula? Iwe tekuti ucite ico. Eico, ukupepa fwaka, ukunwa ubwalwa bwa wiski, ukuteya amakadi, ukubeya imishishi, ukufwala bakaputula, fyonse ifi fintu fimbi, fintu fyalubana, ukulubana kwalubembu, kabili tamwakafike nangu kumo kano mukaleke.

<sup>79</sup> Cena cileingila mukusela kwesu ukwaba Pentecosti. Casoni kuli imwe. Mulingile ukumfwa insoni. E mulandu wine tekuti tukwate ukupuputulwa ukwesonde. E mulandu wine tekuti tukwate ukupuputulwa kwa pentecosti. Icintu cimo calicitika. Ico nacilungama. Twaliponya ubucingo, nefintu filecitika ifishifwile ukucitika. Eico nomba mulingile ukusha fyonse, pakukonka Kristu.

<sup>80</sup> Mulingile ukusha amano yenu mwebene, amano yenu mwebene. Mulingile ukusuminishanya ne Cebo Cakwe. Kabili Mupashi wa Mushilo takatale kana i Cebo icili conse ico Watalile landa. Kabili Baibele yalembe na Mupashi wa Mushilo. Baibele efo yalanda. Kabili nga . . . Ifyebona fya Baibele ni Lesa. “Mukutendeka kwali Cebo, Cebo ali pamo na Lesa, kabili Cebo ali ni Lesa. Kabili i Cebo caishileba umubili nokwikala pakati kesu.”

<sup>81</sup> Nomba i Cebo nacipangwa Umupashi, ukwikala muli ifwe, “Pantu Nkaba naimwe, kabili muli imwe, mpaka kumpela yesonde, kumpela.” Nomba, nga cakuti ulya Lesa umu wine uwalembele Baibele ali muli imwe, tamwaba abenu, mwalifwa kufintu ifya mwisonde, mwalifwa kumatontonkanyo yenu, kabili “amano ayo—ayo ayali muli Kristu ukuba muli imwe.” Kulya, lyena mulesha fyonse, uku Mukonka. Te matontonkanyo yenu mwebene; ifyo Ena atila. “Te bufwayo Bwandi; Bwenu, Shikulu.” Nomba mwatendeka ukwiminina pamo ne Cebo cakwa Lesa.

Kuti nakokolapo apo, lelo Nalayafye fye pantanshiko panono.

<sup>82</sup> “Lelo,” muletila, “ni cinshi ico Ndepokelela, pakusha fyonse? Ukusha fyonse, nicinshi ico Nkapokelela?”

<sup>83</sup> Imwe kuti mwasubila isonde ukumisenteka. Kuti mwasubila isonde ukumita imisango yonse iyamashina ayabula umucinshi. Bakamwita icintu icili conse ico bengamwita. Imwe mukasulwa nokukanwa.

<sup>84</sup> Yesu, pa mulandu Wakwe ukuba Imanuele, Lesa ukwikala muli Ena, ca Mupangile ukuba uwaibela kwichalichi Cakwe mpaka ichalichi Cakwe ca Mutamfishe lilya linefye Aishile ingilamo. Eba Mutanike pacapindama. Eba Musushishe. Atemenwe abantu. Umutima wakwe onse walitemenwe abantu. Lelo Aali nokusha ifintu fyonse, pakutila engakonka Lesa.

<sup>85</sup> Kabili eico tufwile ukusha ifintu fyonse, pakuti twingakonka Lesa.

“Nomba nifinshi Nkapokelela pakusha fyonse?”  
Tatuleenekela . . .

<sup>86</sup> Ifwe, limo limo, Ntontonkanya ukutila ifwe fwebakapyunga tulacipanga ukuba icamaluba maluba kuwa—kuwapilibulwa. “Oh, iseni kuli Kristu, ifintu fyonse fyaliwama.” Lelo, mwamona, tacaba ngefyo, munshila, ukulanda ukutila ifintu fyonse busanshi bwaanguka ubwamaluba. Pantu, takwaba umwina Kristu . . .

<sup>87</sup> Baibele itila, “Bonse abo abekala aba bulesa muli Kristu Yesu bakapakaswa.” Eico nga—nga tamulepita mukupakaswa pamulandu wakwa Kristu, lyena kuliko icintu cimo icalubana.

<sup>88</sup> Ciwa nga cakuti talekukonka, alikukwata kale. Epela fye, pantu ilyo lyonse alekukonka, ico cishibilo ukutila talati akukwate na nomba. Lelo nga cakuti talekukonka, cishibilo ukutila alikukwata. Ee. Eico ibukisha fye, ilyo lyonse alekukalipila, uli ishinono intampulo kuntanshi yakwe nomba, kabili twalilila fye ukulaya.

<sup>89</sup> “Lelo bonse abekala aba bulesa muli Kristu Yesu bakapakaswa.” Atile, “Sangalaleni, no kusekelela ukukalamba, pantu efyo bapakese bakasesema abali kuntanshi yenu.” Ico nacilungama.

<sup>90</sup> Wilaya necinso icapona, nokutila, “Ukuba, nga Nshacicita ici. Ndemona, bena—bena, Ine tekuti nshipikishe umuntu umo ukulanda palwa ine, nokutila Ndi wamafashoni yakale, Ndi *ici*, *ico*, nangu *icibiye*.”

<sup>91</sup> Oh, mu—mulingile ukuba abasekelela apakalamba, abansansa pa mulandu waico, pantu imwe kuti mwashipikisha ukusebana pe Shina Lyakwe. Kabili pakusunga amafunde Yakwe, camulengele ukucita ico.

<sup>92</sup> Lelo Ndefwaya ukulanda ici, pamo. (Angufyanyeni, mukwangufyanya ngefyo twingacita.) Lesa takacite, mumusango uuli onse, ukuba munkongole kumuntu uuli onse. Lesa takakwate inkongole kumutu uuli onse. Nga mwalicitila ico Lesa, sheni fyonse, Lesa akamulambula ikana. Cisuma. Lesa akabwekeshapo. Nga mwasha ifintu fyesonde, kabili nesonde, nefintu fya mwisonde, kabili Lesa akabweseshapo inshita ishing'i nganshi.

<sup>93</sup> Nibanga abali inte yacilya, muno bushiku? Ukuba, bonse twalishiba ukutila Lesa akabweseshapo.

Nomba natusende fye abantu abanono abashile fyonse.

<sup>94</sup> Natubule, mukubalilapo, wishi wacitetekelo, Abrahamu. Abrahamu ashile impanga yakwe, ifipe fyakwete, kabili nafyonse fimbi. Aitilwe ukufuma mu Kaldi, mu musumba wa Uri. Kabili ashile icalo cakwe, ing'anda yakwe, abantu bakwe, nabonse, kabili akonkele Lesa. Ena ali nokusha ifintu fyonse, nokusha ico kunuma. Ena ashile icalo cakwe—cakwe, ifipe fyakwe mulya mu Kaldi, mu Uri. Ashile ifipe fyakwe, kabili Lesa amupele impanga yonse iyabulayo. Lesa alabwekeshapo nansonsela iingi. Amupele, pamulu palya bulya bushiku, ilyo Amukumenye, Atile, “Ima, Abrahamu. Lolesha kukabanga, kukapinda ka kukulyo, kumboshi, kumasamba, Napela fyonse kuli iwe, fyonse fyobe.”

<sup>95</sup> Ubo e bwafya na bena Kristu muno bushiku. Lesa alaipela kuli ifwe, lelo tulaba nomwenso kukuifwailisha. Ilyo mwaba abena Kristu, muli mpyani kubulayo bonse muli Baibele. Ico nacilungama. Ifintu fyonse ifyo Lesa alaile, fyenu. Cabafye nge ikalamba iikulu incende, kabili ku Mupashi umo emo tubatishiwa muli iyi ncende, ili ni Kristu. Ukuba, nga Ine . . . Nga cakuti umuntu ampela icintu cimo, Ndi nokufwailisha nokumona ifyo Nakwata.

<sup>96</sup> Ndetontonkanya ukutila ifi efyo abena Kristu balingile ukucita muno bushiku. Fwailisheni nokusanga ifyo mwakwata. Icintu cimo nga caba mumulu, icakuti tekuti Mfikepo, Ndi nokusenda umutanto nokuya kuli cena. Kabili nga cakutila icintu cimo camoneka ukuba pamuluko, muli Baibele, ico Lesa alaya, Nkekala pamakufi yandi nokunina umutanto wakwa Yakobo mpaka Nafikapo, pantu candi. Lesa alicipele kuli ine.

<sup>97</sup> Ngo kundapwa kwamaka yakwa Lesa kwalaiwa muli Baibele, kabili Nindwala, Nkekala palya mpaka Lesa akupela kuli ine, pantu cena bulayo. Lesa alilaile ukutila nga Nasha isonde, Akampela Mupashi wa Mushilo, Ndi nokwikala palya pene mpaka Apela Cena kuli ine, pantu Alicilaile. Nga Lesa alilaile ukumpela ukukabila kwamutima wandi, kabili ukukabila kwamutima wandi kwaba icintu icalungama, Nkekala kulya mpaka Lesa akacipele, pantu cena bulayo. Kabili Nalisha icalo conse. Ndefwaya ukwenda ukukonka Ena, kabili

Ali nokulipila. Nalishiba ico ukuba icine. Cena cintu calungama bwino bwino.

<sup>98</sup> Cinshi ico acitile? Ashile impanga yakwe, icalo cakwe. Kabili Lesa amupele icifulo conse, nangu fyonse, icalo conse ica i. . . ica Palestine. Ashile impanga yakwe iinono kulya, nalimo acre apo ing'anda yakwe yali, kabili ing'anda yakwe iyakale, ukwisapokelela ifintu fyonse ifyali mu Palestine. Cisuma.

<sup>99</sup> Lelo icintu ca ntanshi ico alingile ukucita kuipatula umwine. Aliipatwile umwine ukufuma ku bantu bakwe, bonse abatemwikwa bakwe, ifibusa ifya kale ifyo ale—ukwenda enda, ifibusa fyakwe ifyakubulumendo ifyaishile ukufuma ku Babyloni, pamo nankwe, nabonse bamunyina, inkashi, nefibusa fyakwe ifyo aishibe, abantu abo alesangwa nabo. Ilyo Lesa amwitile, Atile, “Ipatule we mwine ukufuma ku mikowa yobe. Talukako kuli ico conse.” Nomba, ico cali icakosa, lelo aliipatwile umwine ukufuma kuli balupwa bakwe bonse. Mulandu nshi? Pantu bena tekuti basumineko kuli ena.

<sup>100</sup> Bushe kuti watunganya bena ukusuminako? Umwaume umukote pano, imyaka yakufyalwa amakumi cine lubali na isano, nomukashi wamyaka amakumi mutanda na isano, baletila, “Namwishiba? Nacikumanya Lesa kuno kabili Acinjeba ukuti Ndi nokukwata u—u—umwana nomba, kuli Sara.”

<sup>101</sup> Mulandu nshi, bena, cibusa wakwe dokota, nga atile, “Umwaume umukote taletontonkanya bwino.” Nomba ninshi nashita amanapini notwakufwala twabana, nefyashala fyonse, alemupekanishisha, pantu alishibe ukutila aali nokumukwata. Ico nacilungama. Nangu cimo kuli cena. Mulandu nshi? Lesa alicilaile. Cisuma.

<sup>102</sup> Kabili nga lilye bumba lya bantu lyalefwaya ukumuseka nokutontonkanya ukutila taletontonkanya bwino, efoyo bacita kuwacetekela onse. Bonse aba Bufyashi bwakwa Abrahamu balikwata icintu cimo cine. Ico nacilungama. Inshita shimo ichalichi cenu cili nokumutamfya. Utubungwe twenu, ishenu—ishenu incende isho musangwamo, isenge lyenu mubenamupalamano, abantu musangwa nabo. Inshita shimo cibusa obe umwaume nangu cibusa obe umwanakashi ali nokukukana. Lelo Lesa afwaya imwe ukusha fyonse, uku Mukonka. Ukusula ifintu fyonse ifyo ifyapusana kuli Ena, noku Mukonka.

<sup>103</sup> Nomba, Abrahamu, ashile abantu bakwe, nicinshi ico aingilemo kunuma ya cena? Ni cinshi icaishile kunse yaico? Ena aishileba wishi wafyalo ifingi. Lesa amulengele ukuba wishi wafyalo ifingi. Apele ifinono, nomba moneni ifyo aishileba. Yesu atile, “Uyo ukakana. . . Ine, akakwata bawishi, banyina, kabili nafimbipo.” Moneni ifyo Abrahamu akwete, pakusha fyonse nokumukonka Ena. Ee, mukwai. “Wishi wafyalo ifingi.”

104 Lelo, intanshi, ali nokuipatula umwine ukufuma kukukana cetekela konse, kabili nangula ukufuma kuwakwe uwatalala, uwacifulefule, membala wa lukuta munyina, Loti. Ena aliishile umwine, palwa ico.

105 Icintu conse icakwata ukukana cetekela muli cena, mulingile ukuipatulako mwebene; icintu icili conse, nga cena cisumino, nga uli muchalichi, kabili fyonse ifyo uleshintililapo caba cisumino, kabili taucetekele i Cebo, kabili ngacakuti i Cebo cintu capusanako ku . . . Icismino caba icapusana ne Cebo, mulingile ukucisha. Mulingile ukusha ifintu fyonse.

106 Kabili Lesa tatalile apala Abrahamu mpaka a Munakila umupwilapo. Abrahamu alefwaya ukusenda wishi, kabili bwishi aleonaula ifintu, inshita yonse. Mukulekelesha, alifwile. Lyena, Loti, kwali ifikansa ne fintu fyonse. Kabili nomba lilya line fye Abrahamu anakile Lesa umupwilapo nokuipatula umwine, nokuleka Loti aya kulya mumpanga shisuma, konse uko alefwaya ukuya, mulya mu Sodomu, elyo Lesa amonekele kuli Abrahamu, kabili atile, “Imya amenso yobe. Ndepela icintu conse kuli iwe.”

107 Abrahamu e umu uwapatwile. Ena e umu uwapatwile fyonse, ukukonka, ukukonka Lesa. Kabili ena ni wishi wa Cicetekelo. Ena e ulya uo twacetekela ukuba uwacishinka. “Ubulayo bwapelwe kuli Abrahamu no Lubuto lwakwe. Ifwe pakuba abafwa muli Kristu tuli lubuto lwakwa Abrahamu, impyani pamo Nankwe ukulingana nobulayo.”

108 Israele ashile Egypto. Balishile impanga shakale mulya mu Egypto. Ukuti bapokelele cinshi? Palestine. Bafumine muli ilya ncende yabipa kulya ku Egypto, kubalebabomfya.

109 Kabili kuliko abantu abengi ileelo, abanakashi imisepela kunse uku mumusebo, balepepa fwaka, ukunwa, nga fintu twamwene pano pa—pa cilimba, ubushiku bumbi. Aba bakapokola balishile mukwikata lilye bumba lya banakashi bacaice kulya lubali, kunse mumusebo, baishilefulungana nomupashi wakwa ciwa, wabekete ukushana ukukushana kwaisa ukupya ukwakuya pamulu na panshi baleipota, katwishi efyo bakwita, kabili kunse kulya mumusebo, balifulungana mumano yabo. Mwamona? Icine cine, nga cakutila namayo umusepela nakwata imibele isuma iinono muli ena, ena nangu umulumendo umwaice, umu pali abo babili, ico ninshi ecimubomfya nokumuleka alecita ico.

110 Imwe sheni cilya, kabili Lesa ali nokumupela amasha. Oh, owe! Ena mucine ali nokucita. Ena ali nokumupela yamo, nga imwe muli nokusha fye cilya. Lelo mufwile mwasha fyonse ifyo fintu, pakucikwata. Tekuti mukonkanyepo nafyonse fibili.

111 Ena asendele Palestine, Abrahamu alicitile ico, nangu Israele alicitile ico. Ena asendele Palestine ukuti ibe impanga yakwe.



Bafumine mumpanga yakale kulya lubali, nokusenda Palestine, impanga iyalekonkolokamo ishiba nobuci. Ee, mukwai.

112 Nifinshi ifyo bashile? Bashile akasuba kakaba, pesamba yabalebabomfya mu Egypto. Ni cinshi ico baishilekwata, pa kusha kalya kasuba akakaba kulya lubali? Batampile ukwenda mu Ntumba ya Lubuuto lwa Mulilo. Ukusha kalya akasuba akakaba kulya lubali, ukwenda mu Lubuuto lwa Ntumba ya Mulilo yakwa Lesa. Wecakucinjanya we! Kuti nafwaya ukusenda ico icakucinjanya, bushe imwe tekuti mufwaye? Intumba ya Mulilo. Ukwenda mulubuto lwakasuba kacifyalilwa, umo baleenda pesamba yabalebabomfya, ukwisa kulya nokwenda mu Lubuuto lwakwa Lesa, ukupitila mumaka ya Mupashi wa Mushilo, i Ntumba ya Mulilo iyo yalebatungulula kucalo cabulayo.

113 Icintu cimo cine ileelo. Ukwenda ukufuma mulubuuto lwa cino calo, ifintu ifya mwisonde, ukwenda mu Lubuuto lwakwa Lesa. Cena citungulula kucalo cabulayo.

114 Bena nakabili bashile impoto shakale isha galiki mu Egypto, impoto shanama mulya mu Egypto. Nifinshi bapokelele ilyo bashile shilya impoto shanama ishakale? Batendeke ukulya icakulya caba Malaika. Manna yafumine ku muulu, ukusenda icifulo ca garliki.

115 Nomba, nga tamwatala lyapo icintu nangu cimo kano fye garliki, lekeni mwebe icintu cimo, Lesa alikwata u Muulu uwaisulamo Icakulya caba Malaika, ku kumulisha. Ico nacilungama.

116 Icakulya caba Malaika, ico eco bakwete mucifulo ca cilya, mucifulo ica garliki uwakale uwaku Egypto.

117 Bena bafumine mumenshi yamatipa aya mu Egypto. Cinshi ico bapokelele kulya? Ukunwa ukufuma mu Cilibwe ico cauminwe mumatololo, pamenshi ayalengama ayapwililika ayakwa Lesa. Balishile amenshi yamatipa ayaku Egypto, ayakale ayamufilonganino ayapusana amenshi yamatipa.

118 Ulya e musango tulingile ukucitilamo inshita imo ileelo. Ukusha cilya icisumino icakale ne cilonganino, ukutila, "Inshiku sha fisungusho shalipita. Balya bantu balifulungana. Bena libumba fye lya bakakunkuluka wa mushilo." Shenii ico cintu kunuma, kabili iseni kuno nokunwa ukufuma ku Kafukauka akaisulamo...akafuma mumishipa yakwa Manwele, umo ababembu ngabaingila pesamba yelyeshi balasangululwa ku milandu yabo yonse. Ee, mukwai.

119 Ukusha yalya menshi ayakale ayamatipa, ukufulunganishiwa nokutwishika, nokukalifiwa kwa mutima, nokutalikishanya, nefikansa, nefintu ifyashala fyonse, nokuya panshita yabushiku kabili nokukwata umulalilo wamuto, nokubilausha inkoko imo iyakale nokushishitisha pama centi amakumi yasano, imbale, ukulipila kashimikila. Ilyo, nga imwe

mwaisha kuno lubali mumafunde yakwa Lesa, kabili amafunde yakwa Lesa ayamushilo, nokwenda na Lesa, muli nokupela icekumi cenu, kabili kashimikila ali nokuba bwino, nga kuti mwasenda fye inshila yakwa Lesa iyakucitilamo ico. Cisuma. Amenshi yamatipa ayakale; ukunwa ukufuma mu Cilibwe.

<sup>120</sup> Balishile bashing'anga baku Egypto, baletila, "Nifwe twacenjeleshapo pabantu bonse mwisonde ileelo." Bashile ba shing'anga abaleyumfwa, ukuti babe na Shing'anga Umukalamba. Ameni. Ndefwaya ukumona shing'anga umo ileelo ukucita nga filya Shing'anga Umukalamba acitile. Balya bantu bali mumatololo pamyaka amakumi yane, kabili baishile fuma ukwabula nangu umo uwanakuka pakati kabo. Takwali umuntu nangu umo uwanakuka pakati kabo, imyaka amakumi yane. Kwali abantu ukucila amamillioni yabili abafumine pali ilya nshita. Nitunga utunya utufyalwa cila nshita yabushiku? Nibanga abalwele? Kabili balicitile. . .

<sup>121</sup> Ndefwaya ukuya kuli Dokota Mose, nokumonamo mucola cakwe, ukumona ifyakubomfya eflyo alebapele. Bushe tekuti mutemwe ukufimona? Ndeelenganya kuliko ba dokota abengi abengatemwa ukulolesha pali bulyo bulondoloshi. Ukuba, Ine kuti namweba. Nalibelengapo. Mulefwaya mwebe ifyo cena cili? "Nine Shikulu uundapa amalwele yenu yonse." Ifyo fye fyeka eflyo akwete. Ico fye ceka eco alekabila, pantu balishile ba shing'anga abaleyumfwa, ukuti babe na Shing'anga Umukalamba. Ee, mukwai.

<sup>122</sup> Balishile kwisamba kulya, abantu abaletila, "Inshiku sha fisungusho shalipita. Takwaba icintu ca musango ifi nge fipasha mano, nakabili." Bena balishile ico, ukuti bacite finshi? Cinshi ico bacitile nomba? Ukuba mulya mwine mukubapo umo ifisungusho fyali nokucitika, cila bushiku. Ameni.

<sup>123</sup> Abantu ileelo abo abatila ukuti takwaba icintu icaba nge cisungusho, kuliko icintu cimo icalubana namano yabo. Ico nacilungama.

<sup>124</sup> Umuntu alinjebele, inshita imo, atile, "Ine tekuti nsakamane ifyo wacita. Nshisakamana. Ine tekuti, nangu ukwate icakushininkisha," atile, "Ine nshacetekelaye ico."

<sup>125</sup> Natile, "Mucine iyo. Imwe tekuti mucimone. Imwe muli fye abapofula nganshi ukucimona." Ico nacilungama. Natile, "Cena teca bashacetekela. Cena cabacetekela. Abacetekela balacimona." Ico nacilungama.

<sup>126</sup> Umuntu atile kuli ine, inshita imo, ankumenye mumusebo, atile, "Walilufyanya mwi Sambilisho lyobe."

Natile, "Cena ni Baibele."

<sup>127</sup> Atile, "Walilufyanya." Atile, "Nomba, Ndakusussha." Atile, "Kanshi mpuma nobupofu. Paulo alipofwishe umuntu inshita imo." Atile, "Mpuma nobupofu."

<sup>128</sup> Natile, “Ine—Ine—Ine tekuti ncite ico. Walipofula kale. Ee. Uli...Kuti Nacita shani ifyo wisu, ciwa, acita kale?” Ico nacilungama. “Walipofula kale.” Umuntu uwingalanda icintu camusango uyo, ali—alipofula nganshi, taishiba inshita yakasuba ukufuma kumfifi. Tekuti alingulule pakati kaifyo fibili, Umweo nangu imfwa. Ico icine cine kuba impofu. Ee, mukwai. Ee.

<sup>129</sup> Shing’anga Umukalamba ali pamo nabo, kabili balimwene ifisungusho ukucitika. Mucine.

<sup>130</sup> Abasambi, ni cinshi ico bashile? Balikwete amasumbu, amasumbu yesabi. Balishile amasumbu yabo ayakwikalamo, ukwenda Nankwe, nokumona ifishibilo Fyakwe, nefisungusho, kabili na maka Yakwe, ukuba Messiya. Umuntu onse uushingasha ukuloba kwabushiku bumo, ukukonka ico, kulilko icilubene. Bashile amasumbu yabo, ayaisushiwamo nesabi. Batendeke ukutinta, kabili balikwete ukwikata ukukalamba nganshi uko batalilekwatapo. Kabili balishile conse icinono ica ico, uku Mukonka, pantu bena bacetekele mumitima yabo ukuti Ena ni Messiya. Kabili balefwaya uku Mukonka, ukumona nga cakuti ifishibilo kuti fya Mukonka nga Messiya. Kabili balingile ukucimona ico.

<sup>131</sup> Kuti nasha icintu icili conse mwisonde, Nshilesakamana ifyo cena cili, ukumona Yesu Kristu ukuilangisha Umwine, ukuicilapo ilyo cena camonekele mumweo wandi, ukutila Nalishiba ukutila Nalifuma mumfwa ukwingila mu Mweo, kabili Nalishiba ukutila Ena ni Messiya. Ninjishiba, paku Mucetekela pa Cebo Cakwe, ukutila Alimpuswishe ukufuma kumweo wa lubembu. Kabili Nalishiba ukutila Mupashi wa Mushilo ekala muli ine. Ndamona ifishibilo Fyakwe, ukuli konse, ukusontelela, ukutila Ninjishiba ukutila Aba cimo cine mailo, ilelo, no muyayaya. Ukusha fyonse, Ndefwaya ukukana icintu icili conse.

<sup>132</sup> Ine ndi wa mukabungwe akasuma, ichalichi icisuma, cimo icawamisha icabapo mucalo. Lelo batile, “Billy, uli nokuleka ukutontokanya bwino nokwisaba kakunkuluka wa mushilo.”

<sup>133</sup> Palya pene, Natile, “Kuti cawama wasenda icitupa cesenge ino ine nshita, pantu Ndekonka Mupashi wa Mushilo.” Ico nacilungama. Cishinka.

<sup>134</sup> Kabili ufwile ukusha ifintu fyonse, ico nacilungama, paku Mukonka. Lelo uyo uli nokusha fyonse, noku Mukonka, Lesa alipilila mumapalo ayafula ayabukankala. Takwaba nangu cimo icakupashanya nacena. Cisuma.

<sup>135</sup> Nomba, abasambi bashile amasumbu yabo, namasumbu yesabi ilyaiswilemo isabi, ubwikashi bwabo. Bena bashile ubwikashi bwabo, ukukonka Shikulu Yesu, ukuti bamone amaka Yakwe, ukumona icishibilo. Balya abaume bali abantu abakanshiwa. Bena balishiba ifyo Messiya alingile ukucita. Bena

balibelengele, kunuma muli Baibele. Balishibe ifyo Messiya ali nokucita. Balishibe ukuti yena yali ninshita iya ico ukucitika. Kabili lintu bamwene uyu Muntu ukwima pa ncende, Uyo uwalingile mucikope, lyena bali abaiteyanya ukusha ifintu fyonse, ukumfwa kufyo Ena aali nokulanda. Pantu, nga cali ni Messiya, lyena cali Umweo kuli bena, pantu bena balitilwe kuku Mukonka. Eico bashile fyonse.

<sup>136</sup> Efyo caba ne leelo, nga cakuti *Ici* nacilungama, nga cakuti iyi Mbila yalubatisho lwa Mupashi wa Mushilo muli ishi nshiku shakulekelesha, uko Alandile ukutila Akapongolwela fyonse fibili iyakubalilapo neyakulekelesha imfula pali ifwe. Nga cakutila ifi fintu fili ifyalungama, Fyena fili ifyalinga ukusha ifintu fyonse. Konka Cena.

<sup>137</sup> Yesu atile, “Ifi fishibilo fikakonka abo abacetekela. Uyo wacetekela muli Ine, nangula ena alifwile, lelo akaba nomweo. Kabili uyo onse uuli no mweo kabili acetekela muli Ine takatalefw. Uyo uwacetekela muli Ine, imilimo iyo Ncita nao akacita.” Cishinka.

<sup>138</sup> “Kabiyeni mwisonde lyonse, kucibumbwa conse. Ifi fishibilo fikakonka abo abacetekela. Mwi Shina Lyandi bakatamfya ifiwa, ukulandila mundimi shipya, bakekata insoka. Balanwa ifintu ifyasumu, tafyakabasanse. Nga babika indupi shabo pabalwele, bakondapwa.” Ifyo efyo Alandile.

<sup>139</sup> “Nga fintu Taata Antumine, efyo na Ine nde mutuma.” Taata uwatumine Umwana, aile no Mwana, kabili ali mu Mwana. Yesu uyo utuma umuntu, alaya nankwe, kabili aba muli ena, ukubomba nokucita imilimo imo ine. “Moneni, Ndi naimwe lyonse, mpaka nakumpela yesonde. Kabili imilimo iyo Ncita naimwe mukacita.”

<sup>140</sup> Munyina, nga ico tacili bwino ukucila pafisumino ifyakale nefintu ifya mwisonde, kabili ukuba kuli umu nomubiye kulya uyo ukana fyonse Ifyo! Mulandu nshi, Ndetontonkanya tulingile ukuba abantu abansansa nganshi mwisonde, ukumona Lesa uwamweo ukwenda ukushinguluka ifwe nga ifi; ukwishiba ukutila ifwe twalisha fyonse, uku Mukonka. Ameni. Ico canenga ukumfwa uwabukapepa. Ukukana fyonse, ukukonka Shikulu Yesu. Cimo cine ileelo, mufwile mwasha bonse. Nga filya fine bacitile kunuma kulya, imwe mulingile ukucita, na imwe.

<sup>141</sup> Nomba, mulelanda pa muntu umu alesha icintu cimo, lekeni tuloleshe ifyo, pali Yesu, Yesu alishile pamulandu wesu. Yesu apele ifintu fyonse. Ena alikwete ing’anda mu Muulu. Kabili Apele ing’anda Yakwe mu Muulu, kabili aishile pesonde, kabili takwete nencende apakubika umutwe Wakwe. Ico nacilungama. Aishileba uwacepesha, mpaka Ena taisaba- . . . umubusu nganshi, mpaka Ena takwete nobusanshi bwakulalamo. Atile, “Bamumbwe balikwata ininga, kabili ifyuni fyalikwata umwela . . . ifyamumwela, fyalikwata ifinsa,

lelo u Mwana wa muntu takwata nencende apakubika umutwe Wakwe.” Mwamona? Lelo cinshi ico Akwatile ico? Ena alimine ukuya pa mulu nganshi mpaka Ena alingile ukulolekesha panshi ukumona umulu.

<sup>142</sup> Ena aishile kwisonde, abulile ishina ilyasulwa ilyo ilinga sendwa mwisonde. Ena akwete ishina ilyasulwa, abulile i shina ilyasulwa, lyaleitwa Belesebuli. Belesebuli mu. . . Ilyo ba Mumwene ukulingulula imipashi kulya nga ifyo, batile, “Ena nikabuka. Ena ni Belesebuli, iciwa.” Ukubuka ni ciwa. Kabili bena ba Mwitile iciwa, uwasulwa pali bonse. Alikwete ishina ilyasulwa.

<sup>143</sup> Ena aile ku musumba uwasulwa. Kabili umuntu uwacepesha mu musumba aloleshe panshi pa mulu Wakwe; Zakeyo, ico—ico nacilungama, ku Yeriko. Ukuya panshi, ena mucituntulu alicitile ico. Ena alikwete i shina ilyasulwa ilyo ilyali pesonde. Aishile mwisonde ne “yamucani,” eflyo ba Mwitile, pantu bena bacetekela ukutila Umwana afyalilwe kunse ya cupo icamushilo. Alikwete ico icakulwishanya naco, pakutendeka. Nomba nokwitwa ishina lya Belesebabu, ilyasulwa nganshi ilyo bengamwita. Alishile incende Yakwe iyaku muulu, nokwisa senda ico.

<sup>144</sup> Lelo Lesa amupele Ena i Shina pamulu weshina lyonse ilyo lyainikwa mu Muulu, ishina lyonse ilyo lyainikwa pesonde, mpaka ulupwa lonse mu Muulu na pesonde lwainikwa Shikulu Yesu. Alleluya! Ico eco. Alishile; Alilambwilwe. Mucine, Ena alicitile ico. Cisuma.

<sup>145</sup> Ena aishile pesonde, Kabumba wamyulu nesonde, kabili Takwete nangu cimo icakulya. Satana ali Mweseshe, alitufungileko, lelo Apokelele ifyakulya ifyo bambi tabaishibepo nangu cimo.

Ubushiku bumo Eflyo alandile ukutila. “Nalikwata icakulya.”

Atile, “Mulandu nshi Mushingeshila, ukulya?”

<sup>146</sup> Atile, “Ninkwata Icakulya ico imwe tamwaishibapo.” Ico nacilungama. Alikwete Icakulya ico tabaishibepo nangu cimo palwa cena.

<sup>147</sup> Pano pe sonde, Takwete icakubamo, bena batile, tapali incende, tapali ing’anda, tapali nangu cimo icali Icakwe. Lelo namwishiba? Asangwikwe Icubo kuli ifwe bonse. Lesa amupangile Ena ukuba Icubo, icamutundu wamuntu onse. Ena takwete umakwikala Umwakwe, lelo Ena e Cintelelwe cesu.

<sup>148</sup> Balelanda pafyakubamo ifyamumushili. Oh, owe! Twalikwata cimo. Ico nacilungama. Ifyakubamo ifyamumushili, fiba mucilindi mumushili. Kabili banjeba ukutila, “Yalya mabomba yaloma nokutula icipunda mumushili, pamafiti umwanda umo namakumi yasano, yamo ama mailoshi umwanda

nafimo konse konse.” Mulandu nshi, cena kuti catoba ifupa lyonse muli imwe, nga mwali citika ukushika mu mushili. Mucine, cena kuti cacita ico, ukuli konse. Lelo twalikwata Icubo. Kristu e Cubo cesu. Ameni.

<sup>149</sup> Nga fintu Nalandile ubushiku bwafumineko, Russia alaitakisha ukuitakisha ukukalamba, imibele, “Nifwe twatwele umuntu mulwelele, intanshi.”

<sup>150</sup> Nalipusana na cilya. Twalikwete Umo mucifulo pa myaka amakana yabili. Ameni. Cisuma. Ee, mukwai. Kapapatila, ee, mukwai, uyo uya mu Muulu nokubwela, mu i...muli citika yasekondifye. Mucine. Twalikwata Umuntu mulwelele. Bena tabakwata nangu cimo. Ee, mukwai. Cisuma. Cisuma. Tulesanga ukutila Ena takwete...Ena alingile ukuba Icintelelwe kuli ifwe bonse.

<sup>151</sup> Alekeleko Ubwana Bwakwe, pakati Kakwe na Taata, ukuti apangwe ulubembu mucifulo cesu. Bushe mwalishiba ico? “Ena taishibe ulubembu; aishileba ulubembu pa mulandu wa ifwe. Imembu shesu shalibikilwe pali Ena.” Alekeleko Bumwana, ukuba ulubembu, nomba Ena kuti alenga ababembu abana. Ameni. Ico eciputulwa icisuma: ukubula ababembu nokupanga abana, ilyo Ena apele Ubwana Bwakwe ukuba ulubembu, nomba Ena alasenda ababembu nokulenga abana ukufuma muli bena. Ameni. We shuko we! Ee, mukwai.

<sup>152</sup> Lesa takabwelele inuma pa cintu icili conse. Iyo, mukwai. Imwe tekuti mucite ici, pantu Lesa alamona pali cena. Umwana Wakwe aishileba ilambo ilya lubembu, pakutila Engashita nomba, ukusenda ababembu nokupanga abana bakwa Lesa ukufuma muli bena. We cintu ubusuma. Ee!

<sup>153</sup> Nomba, ee, mukwai, Ena—Ena apele amaka Yakwe. Aishileba uwanaka, pakutila Engaba amaka yesu. Ena e Maka yesu yonse. Ifwe tatulekabila amaka yambi kano fye amaka yakwa Shikulu Yesu. “Ena e Maka yandi ukufuma ubushiku no bushiku. Ukwabula Ena kuti Nawa,” eflyo alandile uwa mushikakulo. Ifyo cawama!

<sup>154</sup> Ifyo musha; eflyo mupokelela, pafyo mwashile! Owe! Sheni isonde. Sheni amano yenu. Sheni ifyakutwishika fyenu. Sheni ifyakukalipwa fyenu. Fisheni, noku Mupokelela. Cetekeleni Ena.

<sup>155</sup> Mwatila, “Nomba, bushe eflyo caba? Bushe inshiku shafisungusho shalipita?” Sheni itontonkanyo lya musango ngoyo. Cetekeleni ico.

<sup>156</sup> Umuntu umo atile, “Bushe Yesu mucine ni Kondapa, nangu bushe ifi fya—fyakubombela pamano ifyo aba bantu bakwete?” Sheni fye ilyo tontonkanyo, apo pene.

<sup>157</sup> “Nomba, mwishibe shani nga cakutila cili nokuba icalungama nangu iyo?” Cena bulayo. Uyo e musango mwalaishibilamo.

158 Mwatila, “Oh, Ndecetekela Mupashi wa Mushilo wali uwa bantu bakale nganshi, akale nganshi, wabasambi fye beka.” Oh, tekuti cibe ifyo. Ninshi, nga efyo cili, Baibele ilaipililika iyine.

159 Petro atile, pa Bushiku bwa Pentecosti, “Lapileni, nokubatishiwa cila umo pali imwe mwi Shina lyakwa Yesu Kristu kukulekelelwa kwamembu shenu, kabili mukapokelela icabupe Umupashi wa Mushilo. Pantu ubulayo buli kuli imwe, kubana benu, nakuli bonse abakutali, nabonse abo Shikulu Lesa wesu aketa.” Lyena cena bulayo bwakwa Lesa, ukutila kuti twacita, abo bonse abo Lesa eta ku Mupashi wa Mushilo, namukwata insambu ishakwisa. Sheni fye amano mwakwata palwa Cena, nokusenda i Cebo cakwa Lesa icaimikwa pali cena.

160 Mwatila, “Bushe kwalibako icintu ica musango ifi, ukuti abantu kuti balandila mundimi, nangu bushe bulya buwelewele fye bumo, nangu umusango umo bacita?” Sheni fye amatontonkanyo yenu.

161 Yesu alandile ifi, “Ifi fishibilo fikakonka abo abacetekela. Bakalandila mundimi shipya.” Baibele efyo yalanda. Ee, mukwai.

162 “Munyina, bushe ifi fishibilo ifyo Ine mona mu—mu misonkano, bushe uyo kuti aba ni Lesa?” Icine cine, kuti aba. “Ukuba, Nalimwene abantu abo abaikele ubumi ubwa musango uli onse, kabili balile nokupepela abalwele, kabili bena baishile undapwa. Ine. . .”

163 Yesu atile, “Takuli umuntu nangu umo uwingacita icisungusho mwi Shina Lyandi, uwingalanda mukwanguka pali Ine.” Ico nacilungama.

164 Ngo muntu ali mucilubo, nga asenda icabupe cakwa Lesa nokucita icintu cimo icalubana, Lesa ali nokubombela pali ena. Lelo ni Lesa, cimo cine fye. Mucine, efyo cili. Pantu ena nibumbimunda, cilingile ukulenga imwe ukubengeshima bwino. Imwe tekuti mukwate i. . . Inshilafye imo iyo mwingakwatilamo iyacine. . . I—iyabufi dola, ifwile yapangwa ukufuma kuyacine.

165 Kabili umuntu onse atila, “Nshaye kuchalichi. Nshilefwaya ukuya ku chalichi. Kwaliba ba bumbimunda abengi.” Mulandu nshi, walicepa ukucila bena. Uleesha ukufisama kunuma yabo. Nga iwe kuti waba kunuma yabo, uli munono nganshi ukucila bena. Ico nacilungama.

166 Nalibelengele ilyashi ilinono mwipepala ubushiku bumbi, uko umwaume umukote. . . Ena ali fyonse fibili nkoma matwi, cibulu, nempofu, kabili aile kwisukulu lyapa Mulungu cila Mulungu. Kabili bamwipwishe ukuomfya amalembu yabapofula, batile, “Mulandu nshi wila kuchalichi? Taumfwa ifyo kashimikila alanda. Taumfwa inyimbo nangu shimo. Mulandu nshi wila kuchalichi?”

167 Kabili atile, “Mfwaya fye ukuleka umuntu onse aishiba ulubali Nabako.” Alefwayafye ukuleka ciwa na onse umbi ukwishiba ulubali ena aliko. Ndetontonkanya ico cisuma. Ee, mukwai.

168 Ni cinshi cimbi ico Yesu acitile? Apele nokusha Umweo Wakwe umwine. Apele Umweo Wakwe, kukupususha uweni nowandi. Pantu ukutula Ena—ukutula Ena apele umweo Wakwe...Ena talingile ukuubika panshi. Acitilefye ico mukuifwaila. Talingile ukucicita, lelo Acicitile mukuifwaila, icakuti Enga kupususha iwe. Kabili nomba Ena fye eka ewingakupususha. Takuli icintu cimbi icinga kupususha.

169 Nalishiba ukutula kwaliba icilonganino icilanda ukutula chalichi cabo ecipususha. “Upusushiwa nachalichi.”

170 Mwapusushiwa na Yesu Kristu nga te ifyo mwaliluba. Ee, mukwai. Tapali nangu cimo ico wingacita, tapali icintu nangu cimo ico iwe wingacita, ufwile walapilafye ku membu shobe. Yesu Kristu e Mupusushi. Ee, mukwai. Apele, Apele umweo Wakwe kuli iwe.

171 Nomba, Ndetontonkanya ukutula, ileelo...Ilyo tuleisala, ifwe limbi kuti twalanda ici. Ukutula, nacyana kuli ifwe, lyena, ukutula kuti twapela imyeo yesu nafyonse ifyesu, nokusha ifintu fyonse ifyaba isonde, fyonse ifishabamo bulesa, ukukana cetekela kwesu, nafyonse, ukutampa uku Mukonka nga fintu abasambi balya bacitile. Bushe tekuti mutemwe ukucita ico? Uku Mukonka, pa mulandu wa nshi? Ukumona ifishibilo Fyakwe ifikalamba ifya Kwisa Kwakwe.

172 Nomba, ibukisheni, Baibele yalaya, ukuti, muli shino nshiku shakulekelesha, kukwisala fye kwa nshita, kukaba Ulubuuto na lumbi ulwa bwina Kristu ulukesa. “Imfula iyakale ne ya kuntanshi fikesa capamo.” Kasesema atile, “Cikaba Ulubuuto munshita yacungulo bushiku. Kukaba ubushiku ubo tamwakete akasuba nangu ubushiku.”

173 Bushiku bwashani ubo? Bukaba ubwamfula, ubwafube fube, ubushiku ubwabipa. Akasuba fye kalesanika, mucine, mukati pamulu wa fubefube na makumbi kuliko akasuba ukubalika. Kabili ukupita muli ico, yonse ilya fubefube, lelo nomba cilapela ulubuuto, pakutula mwingenda, ukumona ifyo mwalashinguluka.

174 Ifyo efyo twakwata pamyaka nemyaka, pamyaka amakana yabili. Mwamona? Ifwe twaenda kucicetekelo, kabili twalitontonkanya ukutula, “Ukuba, ico cili fye bwino. Uh-huh. Twalicetekela, kabili tulailunda kuchalichi, nokubika ishina lyesu mwibuku. Kabili ico cili fye bwino. Twalicetekela. Tatumona ifi fintu nga fintu Acitile kunuma muli shilye nshiku, kunuma kulya.” Batile, “Fyonse ifyo fyalipita. Fyakunuma.” Kabili caba muli ulya musango pa—pa myaka imyanda ne myanda, ubushiku fye ubwabulanda.



Lelo Atile, “Mu nshita yacungulo bushiku, kukaba Ulubuuto.”

<sup>175</sup> Nomba, akasuba kamo kene akatulila ku Kabanga e kasuba kamo kene akawila ku Mboshi. Yesu umu wine uyo wali . . . apongolwele Umupashi Wakwe ku Kabanga, pali balya bantu, ni Yesu umu wine uyo uli muli ishi nshiku shakulekelesha, ukupongolola u Mupashi Wakwe, wena waba pa bantu baku Mboshi. Ena alaile ico.

<sup>176</sup> Ena alipele ubulayo. Atile, “Nga fintu cali munshiku shakwa Loti, efyo cikaba na mukwisa kwa Mwana wa muntu.”

<sup>177</sup> Ifyo kutila Lesa ailangishe Umwine mumubili wabuntu, aikele palya nokulya na Abrahamu, ne numa Yakwe iyafutatwila kwitenti, nokweba Sara ifyo aletontokanya, mwitenti. Aebele Abrahamu ifyo ishina lyakwe lyali, kabili ifyo ishina lyakwa Sara lyali, kabili ifyo ukutula Aali nokubatandalila. Kabili Sara tacetekele ico, nokuseka, mwitenti. Kabili Malaika atile, “Mulandu nshi Sara asekelo?” Mwitenti, kunuma ya Muntu.

<sup>178</sup> Yesu atile, “Ngefyo cali muli bulya bushiku, efyo cikaba napakwisa kwa Mwana wa muntu.”

<sup>179</sup> Nga fintu lyonse Nalandile, mailo ubushiku, Ndefwaya ukwambula cena nakabili. Lyonse kwaba amabumba yatatu aya bantu, inshita yonse, nga Hamu, Shemu, na bantu bakwa Yafeti, abana baume batatu abakwa Noa. Lyonse fye, kwaba—kwaba amabumba yatatu aya bantu. Nomba tubabika mumabumba nga ifi: uushacetekela, uuiyanga ukucetekela, nowacetekela. Nomba uyu e musango cisuntinkana. Cacitile icintu cimo cine kulya. Yesu atile, “Nge fyo cali mu nshiku sha Sodomu, efyo cikaba na kuli iyi.”

<sup>180</sup> Abrahamu, uyo uwashile fyonse, ukukonka, nomba ici cili apa, ukwisa panshi. Aikatilile kuli bulyo bulayo pamyaka ne myaka, imyaka amakumi yabili na isano. Uyu ali apa, imyaka yakufyalwa umwanda umu nomba. Kabili ena ali muno mumulimo. Umukuni wakwe uleonda, kabili takuli amenshi. Kabili, Loti, uwaikela ubwikashi bwapamulu nganshi kulya ne fintu fyonse ifyo adefwaya. Kabili apa pali Sara, inshita imo aali umwanakashi uwaembesha mucalo, kabili, uyu ali apa nomba, ali nga uubulishe.

<sup>181</sup> Kabili nalimo Missisi Loti alikwete imicitile yamushishi iipya lilya, namwishiba, kabili nafyonse ifi fintu. Aleikala fye ubwikashi bwapamulu. Aali umukashi wakwa mwine mushi, kabili ali kuchalichi icali icikalamba. Ee, mukwai. Kabili ukwabula ukutwishika ena alikwete utubungwe twakwe tonse. Talefwaya ukwikala ico, nokusha ico, mpaka ena atwalililepofye ukulapilibuka. Kabili asangwike intumba ya mucela pantu alitemenwe isonde ukucila ifyo atemenwe ukunakila ishiwi lyakwa Malaika.

<sup>182</sup> Nomba moneni amabumba yatatu. Abashacetekela, abena Sodomu, babafye citika, aba cifulefule ba membala bachalichi, bali ni Loti. Lelo abasalwa, ichalichi caitwa cali ni Abrahamu nebumba lyakwe. Ilyo, aba ba Malaika, nikwisa uko Baishile? Kuli Abrahamu nebumba lyakwe. Cisuma. Bena baile panshi, babili pali bena baile kulya, nga bakasabankanya bambila nsuma yanomba.

<sup>183</sup> Twalikwata bakasabankanya bambila nsuma abakalamba aba—abaya ku chalichi ca filonganino ileelo. Umo pa bantu abakalamba nganshi mucalo, uo twaishiba, ni Billy Graham. Kabili ena mucine alebilisha i Mbila nsuma kuli balya bantu kunse kulya, ukubeta ukutila, “Fumeni mu Sodomu.”

<sup>184</sup> Ifwe tatulingile ukubilikisha ukutila “Fumeni mu Sodomu,” kuli ici Chalichi. Cena cilingile ukuba kunse, kale. Nga cakutila cena caitwa na Mupashi wa Mushilo, cena ninshi nacifuma mu Sodomu, inshita iitali iyapitapo. Ico nacilungama. Calishile Sodomu. Cileikala kunse kuno, palwa Ciko, bwino bwino, icapatululwa. Ishiwi lya *chalichi* lipilibula “abaitwa, abapatulwa.” Kabili nga mwalipatulwa, abenu. . .

<sup>185</sup> “Fumeni pakati kabo. Mwikumya kufintu fyabo ifishasanguluka.” Nga tamwacita ico, muli mu Sodomu; muli membala wachalichi, uwacifulefule. Lyena mulingile ukuipatulwa mwebene, nokutaluka ukufuma kufintu fya mwisonde, nokufuma, nokwikala uwasanguluka kabili uwa mushilo, endeni mumafunde yakwa Lesa.

<sup>186</sup> Ibukisheni, babili pali balya ba Malaika baile kulya. Tabacitile ifisungusho ifingi. Kwaba fye icisungusho cimo ico bacitile, cali ukuma abantu nobupofu ilyo baishile pali bena.

<sup>187</sup> Ukuba, ico nibwino bwino ifyo ukushimikila kwa Cebo kucita, ukupuma abantu nobupofu. Kabili aba bakabila wambila nsuma abakalamba ileelo, abo twaishiba, abengi muli bena batandalile Phoenix kuno. Kabili—kabili bakasabankanya bambila nsuma abakalamba ukufuma ku. . .abo baile mumulimo, tabacita ifisungusho kabili nafimbipo, lelo bena mucine babapofwishe balya abashacetekela, balya abena Sodomu, no kushimikila i Cebo, ukutila, “Yesu Kristu Mwana wakwa Lesa.”

<sup>188</sup> Lelo, kanshi, ici pano Chalichi ca bumupashi; techalichi ca cifyalilwa, nangu umwina Sodoma. Lelo i Chalichi cabumupashi, abo abacetekela muli Lesa, calitandalilwa na Lesa, nga fintu Abrahamu aali, ukuya munshila yonse. Abrahamu ecakupashanya capwililika ica Lubuto lwakwa Abrahamu panuma yakwe, mu Chalichi, “Abantu ukufuma mu bena Fyalo, abe Shina Lyakwe,” u Lubuto lwa bufumu, nga fintu Nashimikile pa Mulungu. Mwamona? Nomba, ici i Chalichi, Cena calitwa ukufuma, icapatulwa, calisha ifintu fyonse ifya

mwisonde, califuma, ukwenda na Mupashi wa Mushilo, nga fintu Abrahamu acitile.

<sup>189</sup> Twalimona imisango yonse iya fintu, nga filya Abrahamu acitile, ukwisa. Lelo ni cinshi cilye cishibilo icakulekelesha ico amwene ilyo impela yabulendo tailafika? Bushe icishibilo cakulekelesha cali nicinshi ilyo umwana uwalelolelwa talaisa bapo? Abrahamu alesubila umwana. Bushe ico nacilungama? [Ulukuta lwatila, “Ameni.”—Kale.] Bushe ifwe tuli Lubuto lwakwa Abrahamu? [“Ameni.”] Nomba tule enekela u Mwana, u Mwana wa bulayo, u Mwana wakwa Lesa.

<sup>190</sup> Kabili Abrahamu alimwene imilimo iya kupapusha iyakwa Lesa ilyo Amwitile, muli lulyo Lubuuto ulunono ilya nshita, kabili ilambo, nokushininkisha icipangano kuli ena. Kabili inshita ishingi Amukumenye mumisango iyapusana pusana. Lelo icishibilo cakulekelesha ico Alangishe Abrahamu, cali ilyo Aishile, amonekela mumubili, kabili aikele nenuma Yakwe nafutatila kwitenti, nokweba Sara.

<sup>191</sup> Abrahamu ukwabula ukutwishika aceteketele ukutula ulya aali ni Lesa. Abantu bamo tabacetekela ukuti eflyo cali. Lelo, ukuti, Baibele yalanda ukuti ni Lesa. Abrahamu atiile Cena eflyo cali. Ena amwitile Ena, “Elohimu.” Elohimu ni Kabumba umukalamba uwa myuulu nesonde.

<sup>192</sup> Nomba, Ailengele Umwine, umubili, ku cishibilo, ukutula munshiku shakulekelesha (Mwamona abena Sodoma, uushacetekela? Mwamona membala wa chalichi?), nomba, moneni Abasalwa, abaitwa-ukufuma, kabili Ena, muli aba Basalwa, Ena aleisokolola Umwine mumaka ya Mupashi wa Mushilo, mumubili wabuntu. Ameni. Bushe tamulemona ukutula ni Messiya? Lesa, Kristu, aiminineko mu Chalichi Cakwe; i Chalichi ukulacita u Mweo umo wine, ukwikala mumweo umo wine, ukucita ifishibilo fimo fine. “Uyo uwacetekela muli Ine, imilimo iyo Ncita nao akacita.”

<sup>193</sup> Nga cakuti umupashi wa—wancita tubi wali muli ine, kuti Nakwata imfuti pali ine. Nga cakuti umupashi wakwa kalenga wali muli ine, kuti Nalenga icikope cakwa kalenga, kabili kuti nacita ico. Ngo mupashi wakwa kalungisha wali pali ine, kuti Namweba ico cali icalubane na motoka yenu. Mwamona?

<sup>194</sup> Kabili ngo Mupashi wakwa Yesu Kristu uli muli ine, Nkabomba imilimo yakwa Kristu, pantu wena Mweo wakwa Kristu muli imwe. Mwamona? Ukulangishiwa muli Nani? Ukumonekela Nani? Ena ali...Alishile Ubwana Bwakwe, kabili aishileba ulubembu, kabili asendele imembu shesu, pakutula Engasenda ababembu nokubalenga ukuba abana. Aishileba ine, pakutula Ningaba Ena. Aishileba umubembu, pakutula Ningaba umwana wakwa Lesa. Ena...Oh, cena—cena cileikata, ifyo Acitile. Mwamona? Asendele icifulo cenu, pakutula mwingasenda icifulo Cakwe. “Muli mpyani pamo

Nankwe; mu Bufumu.” Aishileba umubembu, nga imwe; imembu shenu ukubikwa pali Ena, pakutila Engakubula nokukupanga umwikashi wamu Muulu, nokukubika pamo na Ena mu Bufumu bwakwa Lesa. Mwacimona ico: bikeni Umupashi Wakwe muli imwe. Kabili ngo Mupashi Wakwe uli muli imwe, imilimo iyo Acitile na imwe mukacita.

<sup>195</sup> Nomba, lolesheni ifyo Acitile lintu Aali pano pesonde. Ailangishe munshila nshi Umwine pa Lwakwe?

<sup>196</sup> Tekuti muleenda, namwikala, muleya mumiputule yakusambilamo insamfi, nokukana ya kuchalichi, nokwikala kung’anda pali Citatu munshita yabushiku, ukuti mutambe ubwangalo bumo ubwabipa, nangu icintu cimo nga cilya, nokusha chalichi cenu, kabili nafyonse nga ifyo, nokusubila ukumona Kristu. Mulingile ukusha ifyo fintu, pakukonka Mupashi wa Mushilo.

<sup>197</sup> Lekeni Ailangishe Umwine nga Messiya, nga fintu balya abantanshi bacitile. Bali Mukonkele, ukutila bamone nga cakutila Aali ni Messiya. Cinshi muletonkanya cacitike ilyo Andeleya aikele ubushiku bonse pamo Nankwe bulya bushiku, ena na Filipino? Ulucelo lwakonkelepo, Filipino aile inshila imo, na Andeleya imbi.

<sup>198</sup> Andeleya akonkele munyina. Kabili lilya line asangile Simoni, atile, “Isa, umone. Natusanga ulya Messiya.” Alishibe ukuti Aali ni Messiya. Mulandu nshi? Alishibe ifyo Messiya akaba. Alishibe, mu Malembo, ifyo Messiya akaba.

<sup>199</sup> Nomba, mucine, aba Yuda, shilye nshiku, balicitantike, yalya amachalichi ayakalamba ayakulu. “Oh, ilyo Messiya akesa, kukaba iciunda cepenga cikalila mummyulu, kabili na Lesa akashumbako icintu cimo, nokulenga inshila shamu Muulu ukupona panshi. Kabili kukaba Malaika akapoleshapo cimo pesonde mukupela umucinshi. Kabili na Messiya akesa, aleisa munshila ngefyo, naba Malaika nabakalisha, nefintu ifyaba ngefyo, akesa panshi pali *ili* itempele, akengilemo. Akaba ni Messiya. Akasenda inkonto, nokuteka isonde.”

<sup>200</sup> Lolesheni pa bupusano ubwa ifyo Ena aishile, lelo Ena aishile mu Malembo. “Naikala pampongolo umunono, aishile, alemwensha ukwingila mu Yerusalemu, uwafuka kabili uwaicefya.” Ico nacilungama. Mwamona?

<sup>201</sup> Ico capilibwile na kasesema, Yohane. Ashimikile Messiya nefyakupupusha umwela mu minwe Yakwe, ukuwamya umupwilapo umushili Wakwe; kabili ilyo Aishile, uwaicefya kabili uwafuka. Lelo Yohane alishibe ukutila ulya ali ni Messiya, pantu alimwene lulyo Lubuuto pali Ena. Kabili alishibe ico. Atile, “Uyo uwanjebele mu matololo ukutila, ‘Kabiye, kabatishe namenshi,’ atile, ‘Uyo Uo mukamona u Mupashi uleikila kabili nokwikala, Ena e Umo ubatisha na Mupashi wa Mushilo

nomulilo.” Tapali umbi uwacimwene. Yohane alicimwene. Ubulayo bwali kuli Yohane.

Tapali nangu umo uwamwene ulutanda abantu abamano bakonkele.

<sup>202</sup> Efyo cili namuli ino nshita yabushiku. Kuti mwaikala kuno, abafula babili, ukwbula ukumona amaka yakwa Lesa. Imwe tekuti muciluke mpaka Lesa aisula ayenu. . . “Bonse abo Taata Ampela bakesa kuli Ine, kabili takuli umuntu uwingesa kano Taata Wandu amuleta.” Eifyo fine. Ico ecipwisha ico.

<sup>203</sup> Nomba tulesanga ukutula balishile fyonse, kabili bali Mukonkele nokumona ukutula Ena aali ni Messiya. Andeleya aile nokweba Petro, atile, “Nawishiba ifyo shifwe atwebele?” Icintu cimo muli uyu musango, nalimo. “Twalishiba ukutula ilyo Messiya akesa, Mose alitwebele ukuti ‘Shikulu Lesa wesu akemya Kasesema’ uwaba nga ena. Kabili twalishiba ukutula, twalisambilishiwa ukutula, ‘Nga kuliko umo mukati kesu, uyo uuli uwabumupashi nangu kasesema, ifyo alanda filafikilishiwa, lyena mumfweni. Nga fyena tafilefikilishiwa, lyena mwimumfwila ena.’ Kabili twalishiba ukutula Messiya akaba i. . . te kasesema fye. Ena akaba Lesa-Kasesema. Eico uyu Muntu ni ulya Muntu.”

“Waishiba shani, Andeleya?”

“Isa fye, umone.”

<sup>204</sup> Aile kulya. Kabili lilya line fye ilyo aendele ukwiminina kuntanshi yakwa Yesu, Yesu atile, “Ishina lyobe ni we Simone, kabili ni we mwana Yona.” Alishibe, lilya line, ukutula ulya aali Mwana wakwa Lesa.

<sup>205</sup> Uyu Filipino alishile, pamo na Natanaele. Lilya line ilyo Nathaniele aile kuli Ena, alishibe. . .

<sup>206</sup> Nalimo bali, ukwelenganya, ukulanshanya ukukalamba uko bakwete, balelandapo, ilyo baleisa. Kabili ifyo Aebele Petro ifi fintu, nokumupela ishina limbi, nokumweba uo ena ali, kabili wishu, nafimbipo, palwa cena. “Namwishiba Messiya alingile ukuba kasesema.”

<sup>207</sup> Ukuba, uyu aisa nomba, aishile kucinso cakwa Yesu. Kabili Yesu atile, “Moneni umwina Israele uyo umushabamo akabi.”

Atile, “Rabbi, ni lilali Mwanjishibe?”

<sup>208</sup> Atile, “Ilyo Filipino talakwita, ilyo waciba mwisamba lya cimuti, Nacikumona.”

<sup>209</sup> Atile, “Rabbi, Muli Mwana wakwa Lesa. Muli Mfumu ya Israele.” Ico calipwishishe fyonse, kuli ena.

<sup>210</sup> Umunono, umwanakashi umukote uwapomonwa, uwakowela, uwafiko, ukwikala nabaume mutanda. Aupilwe kuli basano, kabili uyo aleikala nankwe ilyo tali wakwe. Aile kucishima ubushiku bumu mukutapa amenshi. Kabili

ilyo aponeshe icakupompelako, nangu imbeketi mucakutinta, panshi, ukuti atape amenshi, kabili lintu atampile ukucimya, amwene Umwaume wamyaka yalinga naikala palya, umu Yuda. Atile, “We mwanakashi, Mpelako amenshi.”

<sup>211</sup> Atile, “Twali patuluka. Takuli na—na...telutambi muno kuli Imwe, ukuba umu Yuda, ukunjipusha, umwanakashi umwina Samaria, pa cintu ca musango ngoyo. Tatwakwata ifyakucita naimwe.”

<sup>212</sup> Atile, “Lelo nga walishibe Uo ulelanda nankwe, nga nau Nomba amenshi. Iwe kuti wanomba Ine amenshi.” Bena fye... Bena balitwalililepo, ukulanda kuli umu nomubiye, pakashita. Cinshi ico Ena alecita? Ukwesha ukusanga ukwali ubwafya bwakwe.

Nomba, “Yesu alikwete ukukabila ukwakuya ku Samaliya.”

<sup>213</sup> Ibukisheni, Ena ailangishe fye Umwine pamo no mu Yuda no Mwinafyalo... Ulya ni Hamu, abantu bakwa Shemu. Mwamona? Abantu bakwa Yafeti balishele. Ifwe ba Anglo-Saxon, twali abasenshi, ukupepa utulubi muli shilya inshiku. Ibukisheni. Mulandu nshi Tailangishishe Umwine eka, Yesu, lintu Aali pesonde, kubena Fyalo, muli cilya icishibilo cimo cine, ukubalanga? Pantu Abenafyalo tabafwaile Messiya nangu umu.

<sup>214</sup> Aba Yuda balefwaya Messiya, kabili abena Samaliya balefwaya Messiya.

<sup>215</sup> Kabili Ailangishe Umwine nga Messiya, mukweba Petro, uo Apele imfungulo shaku Bufumu. Kabili kuli Natanieli. Kabili impofu Batimeo, lintu icicetekelo cakwe ca Mwiminike. Kabili umwanakashi uwalesuma umulopa. Kabili nafimbipo, kuba Yuda.

<sup>216</sup> Lelo Ali pano nomba kubena Samaliya, kabili Akesa kubena Samaliya, kukuilenga Umwine ukwishibikwa nga Messiya uwacine.

<sup>217</sup> Nomba, pamyaka imyanda, bonse babili aba Yuda nabena Samaliya bacetekele ukutila kwali nokwisa Messiya. Eico, nga cakuti Messiya ali pesonde, cili kuli Messiya ukuilangisha Umwine.

<sup>218</sup> Lolesheni kuli Simeoni uwakale mwitempile, nobunte, ukutila, “Nshakamone imfwa mpaka Nkamone Kristu wakwa Shikulu.” Kabili ilya ine nshita ilyo Maria aletelemo Akanya, Umupashi wa Mushilo walandile kuli Simeoni. Aile fye kulya uko Ena ali, nga *filya*, nokwimya amaboko yakwe pamulu, kabili atile, “Lekeneni umubomfi Wenu aye mu mutende ukulingana ne Fyebo Fyenu, pantu amenso yandi yamona Ipusukilo Lyenu.” Simeoni alifililwe ukwikala inshita nitali ukuti amumoone Alebomba imilimo Yakwe iya bu Messiya, lelo alikwete ifyalebwa ifyo Ena ali.

219 Lelo Ena ailengele Umwine ukwishibikwa ku bantu, nga Messiya, ukuba ulya Lesa Kasesema. Ulya umwanakashi, lintu Alandile kuli ena, atile, “Kabiye, kalete umulume obe kabili ubwele kuno.”

Atile, “Nshakwata umulume nangu umo.”

220 Atile, “Iwe walanda bwino. Iwe walikwatepo basano, kabili noyo untu uleikala nao nomba temulume obe.”

221 Atile, “Mukwai, Nimona ukutila Muli kasesema. Twalishiba, ilyo Messiya akesa, Ena akatweba ifi fintu. Ici cikaba icishibilo cakwa Messiya ilyo Ena akesa. Ena e Umo uuli nokutweba ifi fintu.”

Kabili Yesu atile, “Nine Wine neulelanda kuli iwe.”

222 Bwangu bwangu ashile umutondo wakwe nokubutukila mumusumba, nokweba abantu mumusumba ukutila, “Iseni, mumone Umuntu, Uyo uwanjeba ifyo Nacita. Bushe uyu te Messiya wine? Bushe cilya tecishibilo ico Messiya ali nokutulangisha?”

223 Tacitilepo ico nakabili, pacinso camuntu uuli onse, lelo bena batile abaume bamuli ulya musumba ba Mucetekele pamulandu wabunte bwa mwanakashi ukutila Ena ni Messiya. Ameni.

224 Nomba yena ninshita ya Benafyalo. Ifwe twalikhwete imyaka amakana yabili aya cimfulunganya, ifisuma ne fibi, utubungwe, uku-no-ku, nobulwi nefikansa, nokutalikishanya nokulwa, nefintu fyonse ifyashala, bakasambilila wafyamipepele naba seminali, kabili nafimbipo.

225 Nomba, nga Aleka balya aba Samaliya naba Yuda ukwisa panshi, abashile tulesa twa mwisonde, ukuti babombele Lesa, kabili ukufwaya Messiya uuleisa, kabili Messiya ailengele Umwine ukwishibikwa ku ba Yuda muli ulyo musango, muli bulya bushiku. . . Kabili Ena tekuti atobe amafunde Yakwe. Ena te Taata uyo uwingacita cimo kuli umo, kabili cimo ku muntu umbi, icintu icaibela. Ena ni Yesu umo wine. Nacilungama.

226 Nomba, pano, ifwe twalikhwete imyaka amakana yabili. Mupashi wa Mushilo aponene pali ifwe. Ifwe twalilandila mundimi, nokumona ifishibilo nefipapwa, kabili nafimbipo. Nomba, icishibilo cakulekelesha ico Abrahamu amwene, ilyo umwana wabulayo talabwela, cali ni Lesa ukuilangisha Umwine mumubili uyo wingalya, pa kulandila kabela no kulangisha icishibilo cimo cine ico Yesu alangishe ilyo Aali pano, ukuba Messiya. Nomba, Yesu aliseseme nokutila cili nokuba muli ulya musango. Kabili, ba cibusa, nomba ni ola.

227 Balya ba Yuda abaiminine kulya, ilyo bamwene Yesu alanda ico kuli ulyo mwaume, batile. . . Bena balingile ukwasuka ulukuta lwabo. Bena, bena balishibe ukutila calicitilwe, eico bena tekuti bacitepo nangu cimo palwa cena. Bena balingile ukwasuka ulukuta lwabo, eico batile, “Uyu Muntu ni Belesebuli.

Ena . . .” Batontonkenye ico mumitima yabo. “Uyu Muntu ni Belsebuli, mwamona, pantu ukutila Ena ni kabuka, umo uwaba ngo u—uubomba namatontonkanyo, nangu icintu cimo. Ena ni Belesebuli.”

<sup>228</sup> Yesu alishibe amatontonkanyo yabo. Kabili Ena aloseshe kuli bena, kabili Atile, “Imwe mulelanda ico kuli Ine, ne Mwana wa muntu, Ine ndi nokumwelela. Lelo, ukuba, ubushiku bumo Mupashi wa Mushilo akesa, ukucita icintu cimo cine. Kabili ukulanda ukususha Wena, takwaba ukubebelwo luse muli cino calo nangu icalo icileisa.”

<sup>229</sup> Oh, munyina, Ndi uwansansa nganshi muno bushiku ukukwata amapalo ya pentecosti. Ameni. Tecakutwishika lelo muno, mwe babwananyina, namwikala muno ukufuma ku Church of God, ku Foursquare, ku Assemblies of God, kabili nabonse abapusana pusana. Ico cisuma. Ico, twalilileni fye ukuya kuntanshi. Mwiesha . . . Ikaleni fye nacena. Mwamona? Lelo mwitontonkanya ukutila ubulangeti tabutambalala ukufika kuli munonko umbi, nao, mukabungwe kambi uyo (nao) alikwata Mupashi wa Mushilo. “Les apele balya Mupashi wa Mushilo abo aba Munakile.” Eico munyina umbi alicitile, nao, melemona, eico kutambalika fye cena. Ico nacilungama. Kabili lekeni twise capamo nokusangalala.

<sup>230</sup> Ifwe twalisha isonde. Tuli Lubuto lwakwa Abrahamu. Tuli Lubuto lwakwa Kristu, u Lubuto lwabulayo. Kabili ifwe tuli pano, ukuya fye pantanshi. Kabili ni cinshi icintu cakulekelesha nombamba, ico Apele shifwe Abrahamu? Cilya icishibilo, ilyo Sodomu tailaocewa, kabili ukwisa kwa mwana. Nombamba, lintu fye ukwisa kwa Mwana wa bulayo, kabili nokocewa kwa Sodomu takulacitia, Lesa alilaile ukupitila muli Yesu Kristu ukutila cikaba filya fine fye, “Nga filya cali munshiku sha Sodomu.”

<sup>231</sup> Lolekesheni mwisonde ileelo. Ilyashi lyakale ilye sonde talyatala monapo abapondamishi abengi nge fyo twakwata ileelo. Kabili inkalata shandi shaisulamo na banacifyashi, ukulila, ukufuma muno mu California. Ukubelenga iepala lye lyashi, uko ubupondamishi, mulandu nshi, capilibwile mu California, Ndemona, pali sate pesenti, umwaka wafumineko. Ubupondamishi, buli konse konse, ifiko. Amasukulu, amasukulu ya bukapepa, yalifumya abantu mu masukulu yabo, balikwata inshita iyakosa iyakusalamo. Abapondamishi, “ukupilibula imibele ya cifyalilwa,” nga filya cali mu Sodomu, ifwe tulemona cena muli ulya musango.

<sup>232</sup> Lolesheni kuli Billy Graham, inkombe ukufuma kuli Lesa, mukati mulya, ukupyanga ilye Mbila nsuma.

<sup>233</sup> Nombamba, nga palwa Chalichi, Abasalwa? Cena cilingile ukukwata icishibilo, pamo. Bushe ico tacilungeme? Ena afwile ukukwata ico. Nincetekela muno bushiku ukutila twalasha ukukana cetekela kwesu konse, nokucetekela pali Shikulu Yesu,



noku Mukonka, nokumona ifishibilo Fyakwe ifya mubushiku bwakulekelesha, pantu Ena alilaile ukuti cena cikaba pano.

Natukontamike imitwe yesu.

<sup>234</sup> Bushe kuliko umo muno muno bushiku uyo uusha Mwishiba nga Kapususha wenu, kabili kuti mwatemwa ukukana ifintu fyonse ino ine nshita no ku Mukonka? Kuti mwaimya fye ukuboko kwenu, ukutila, “Mpepelako, Munyina Branham. Ndefwaya ukucita ico, ukuba umwina Kristu uwacine.” Lesa akupale. Bushe kuliko naumbi? Lesa akupale. Lesa akupale. Lesa akupale, nkashi. Lesa akupale, na iwe, munyina. Naumbi? Lesa akupale, mukwai. “Ndefwaya ukusha ifintu fyonse. Ine—Ine nalacita ico, Munyina Branham.”

<sup>235</sup> Ndefwaya ukwipusha icintu cimo. Munyina, nkashi, Nshi—Nshi—Nshilepilibula ukucena umuntu uuli onse. Lelo, mwamona, imwe—imwe—imwe. . . Imwe mwaba abashingamwa pa Cebo. “Nga—nga imwe mwaikala muli Ine, ne Fyebo Fyandi muli imwe.” Inshita shimo Ningile ukulanda ifintu ifyo ifimputaula, ukucilapo inshita shimo kuli ba bankashi yandi.

<sup>236</sup> Pantu, namwishiba ukutila umwanakashi eo Satana abomfeshe mukutendeka. Lesa asalile umwaume. Satana asalile umwanakashi.

<sup>237</sup> Ena alipalilwe, mucine, ukuba icaku kushishamo ico caletele Yesu Kristu pesonde. Nomba, Ulya tali Umwana wakwe. Imwe bonse mwalishiba ico. Yesu tatalile mwitapo banyina. Ena tatalile kwata. . . Cena libumba lyatobenkana, lelo imwe umfweni kuli ine. Takwali amenshi ayabufyashi ayafumine kuli Maria. Cena conse calibumbilwe, nacingu, na Lesa. “Mupashi wa Mushilo afimbile.” Ulya e mulandu wine Yesu tekuti amwite nyina. Ena tali iciputulwa cakwe, nangu cimo. Ena ali fye icaku kushishamo ico Lesa abomfeshe, ku kuleta Umwana.

<sup>238</sup> Pantu, nga kwaliko icintu cimo ica ulyo mwanakashi uyo wali muli ulyo Mulumendo, ulyo Mwana, ulyo mwanakashi (muleumfwa; imwe mwe bakalamba na mwishiba ico Ndepilibula), kwali nokuba ukwishiba ukwa musango umo, amenshi yabufyashi yamo yafuma kuli ulya mwanakashi, ukupitila muli cilya, lyena cena cali mucine cine ngo kubomba kwakukumana na Lesa Uwamaka yonse. Tekuti cibe.

<sup>239</sup> Lesa abumbile akanya, fyonse fibili ilini no Mulopa. Fyonse fibili akabulungwa, ka mwanakashi no mwaume, Lesa abumbile. Ulya e mulandu wine ulyo mubili wabushiwe. Mucine. Ena ali ntanshi ya kubuka. Eico Ena tatalile umwita ba nyina. Batile, “Banoko bali kunse uku bale Kufwaya.”

<sup>240</sup> Atile, “Ni nani Mayo Wandii?” Atile, “Abo abacita ubufwayo bwakwa Taata Wandii, uyo wine e mayo Wandii.” Mwamona? Eico Ena tatalile inshita imo ukumwita mayo. Ena amwitile “umwanakashi.” Ifyo efyo ena ali.

241 Kabili imwe bamo mwe bantu abatemwikwa ba Katolika mwe bamulenga ukuba lesa, nangu umulungu umwanakashi, namfumu wa ku Muulu. Cena tacalungama. Iyo, cena tacaba ifyo. Ena ali umwanakashi umusuma. Ee, mukwai. Ifyo fine. Lelo ena tacila umwanakashi uuli onse uo Lesa asala ukubomfya. Ena kuti abomfya umwanakashi pa cintu cimbi. Ena kuti amubomfya, umusango uuli onse. Ena ali fye icaku kushishamo, pantu filya efyo ena ali, ukukafya Ulubuto, kabili nafimbipo ngefyo. Kabili no Mweo walishile mu Mwana. Lelo u Mulopa, ifyakashika ifisangwa mumulopa, lyonse twalishiba, fifuma kumwaume. Kabili Ena ali umwaume, Kabumba. Ena tali nangula umu Yuda . . . Umwana ali . . .

242 Yesu tali umu Yuda nangu Umwinafyalo. Ena aali ni Lesa. Ico nacilungama. Lesa Umwine apangile umubili uo Ena aikelemo. Ulya aali Mwana Wakwe, Yesu Kristu. Ukwamushilo, ukufyalwa kwakuli nacisungu kwaletele uyu muntu, ukufyalwa kwabulamo ulubembu ku Mupashi wa Mushilo. Umwanakashi takwetepo icakucita na cena, nangula ilini nangu akabulungwa ka mulopa.

243 Umwaume akwata akabulungwa ka mulopa. Umwanakashi akwata ilini. Muli iyi nshila, kufwile kwaba ukukabila kumo nokwimita, ukupanga icintu cimo ukucitika.

244 Kabili muli ulyo mulandu, takwali nangu cimo kano fye ukufimba kwa Mupashi wa Mushilo, kabili Lesa alengele mu mwanakashi. Ulya Mupusushi wandi. Ukwabula Ena, bonse twaliya.

245 Nomba, imwe bamo mwe bantu muno, imwe mwe banakashi, imwe, nalimo abanakashi ba Pentecosti, mwaliba nomulandu uwakufwala ifyakufwala ifyabulalalale, ukuputula imishishi, ukucita ifintu. Ndamona muno mu California, tamwaba abengi muli bena . . .

246 Nangu, muno mu Arizona, ntile, te bengi muli bena balesuba ifyakusuba. Ifyo balyeshe ukucisusha, naco. Cisuma, takwaba nangu cimo muli Baibele icilanda kuli imwe ukukana penta. Ifwe twaishiba fye ukutila cena cilubo, pantu cena caba cesonde.

247 Lelo mwaliba ifunde muli Baibele ilyo umwanakashi, uubeya imishishi yakwe, aba umuntu uushacindama. Kabili nga cakutila cena camoneka muli uyo musango kuli Lesa, kabili watila walikwata Mupashi wa Mushilo, kabili nokucita ico, icintu cimo nacilubana.

248 “Ukufwala icakufwala ca mwaume.” Oh, nkashi, wemutemwikwa, wiipashanya kwisonde. Sha isonde. Ikatilila kuli Kristu.

Mwatila, “Bupusano nshi cipanga?”

249 “Alishuka uyo uucita amafunde Yakwe yonse, pakutila engakwata insambu ukwingila mu Cimuti ca Mweo.”  
 “Ukusekwa pakanono kusekwa pali conse.”

250 Walishiba bwino. Nga walikwata Mupashi wa Mushilo, Ena mucine akakweba bwino. Ukakweba bwino, nga cakuti Mupashi wa Mushilo.

251 Nomba, nga uli nomulandu, kabili kuti watemwa ukutampa muno bushiku, nokutila, “Munyina Branham, Nshailwike ico. Nalecipusa lyonse. Ndefwaya ukutampa cipya cipya. Ukufuma apa ukuya kuntanshi, Ndi nokubombela Lesa.” Imyeni ukuboko kwenu, tileni, “Mpepelako, Munyina Branham.” Lesa akupale. Ico cisenda ukushipa. Ico cisenda icituntulu. . . Lesa amupale. Amaboko ayengi. Cisuma. Lesa amupale. Nomba, nga cakutila nawishiba, ukutila Icintu cimo muli iwe, icilekweba ukutila naulufyanya, ninshi waishiba ukutila Lesa ali mupepi naiwe.

252 Lelo ilyo waumfwa i Cebo cili icatambalala nganshi, kabili nomba ucili nawikala palya nokutila, “Ine nshacite ico. Teshibe ico alelandapo,” kabili ine ukwambula i Cebo pano pene, mwamona, lyena kuliko icintu cimo icalubana necaba muli iwe. Mwamona? Tacintu cimbi, ni Satana. Epela fye. Cena cisusha Lesa. Cena cisusha amafunde Yakwe. Cena cisusha i Cebo Cakwe.

253 Umo umuntu atile kuli ine, tapapitile inshita iitali, kashimikila uwalumbuka. Atile, “Munyina Branham.” Anjitile mumuputule wakwe, abikile indupi pali ine. Atile, “Iwe uli nokonaula ubupyungishi bobe.”

Natile, “Cinshi?”

254 Atile, “Iwe lyonse ulebaula abantu, umusango bacitilamo.”  
 Atile, “Mulandu nshi ico iwe. . . abantu batontonkanya ukutila uli kasesema.”

Natile, “Nshili kasesema.”

255 Atile, “Ukuba, abantu batontonkanya ukuti efyo waba. Mulandu nshi tekuti ubasambilishe ifintu fya bumupashi, ifyo bena bengapokelela amapalo yakalamba aya bumupashi ne fintu?”

256 Natile, “Musango nshi Ningabasambilisha ifintu ifya bumupashi ilyo bena tabaishiba na ABC wabo? Tabakwata nokutontokanya ukusuma ukuti bekale ne Cebo, ukucilapo ifyamupashi. Nga cakuti tabacetekela ifintu ifya pesonde, kuti bacetekela shani ifintu fya mumuulu?”

Atile, “Ukuba, walaonaula fye bukapyunga bobe.”

257 Natile, “Ubupyungishi ubuli bonse buntu i Cebo cakwa Lesa cingonaula, bwena bufwile ukonaulwa.” Ukubwelela ku Cebo. Ico nacilungama.

258 Nomba, nga mulepeepa imishanga, kabili nafimbipo ngefyo, kabili ukulanda ukuti namukwata Mupashi wa Mushilo, cansoni kuli imwe. Mwe baume! Mwatila, “Mulandu nshi mulandilafye pabanakashi?” Mwe baume mwe baleleka abakashi benu ukucita ico, oh, we mwaume, ukuita we mwine ummwina Kristu, cansoni kuli imwe.

259 Ninjishiba ici cintu cakalabana. Lelo, munyina, yena—yena ninshita yaku cefya. Yena ni nshita iya Mupashi wa Mushilo ukwisa, ukusenda Nabwinga Wakwe. Kabili nga cena tacilelingana ne Cebo Cakwe, lyena kuliko icintu cimo icalubana.

260 Mwe bapona ukufumako, mwikala ku ng’anda pali Citatu ubushiku kabili tamwisa kuno ku chalichi, muletamba ifitunshi tunshi, ne nshita shabushiku shimbi ishakuba kuchalichi! Tontonkanyeni, imwe—imwe mucine mutila, kabili nga muli nokwisa kuchalichi, mulingile ukuipatikisha mwebene ukucita ico, pantu muletonkanya lifunde ilyo mulecita. Mulingile ukucita ico. Cena cintu cacindikwa ukucita ico. Kabili nga tamwatemwa ukucita ico, kuliko icintu cimo icalubana. Kwaliba Mupashi wa Mushilo uyo ulenga imwe ukutemwa ukubombela Lesa.

261 Nomba, na ico, ilyo imitwe yenu ili iyakontama, bonse abo abaleumfwa ukutila kuti batemwa ukutampa kuli Lesa, muno bushiku, imyeni ukuboko kwenu. Bonsefyo muno nomba, imyenifye ukuboko kwenu, bonse, konse. Lesa akupale, akupale, iwe, iwe, iwe, iwe. Lesa akupale. Cisuma. Nalamupepelako.

262 Shifwe uwa mu Myulu, nomba Ninanda Ifyeyo Fyenu palwalala kabili ifyatambalala, kabili ifyakuputula, nge fyo Naishiba ukucita. Ukukanaba uwapusana; nga ilya kuti yaba imicitile yandi, Shikulu, Ningile ukuba ulya uuli pa cipailo. Lelo nga Namona umuntu umo, munyinane nangu nkashi yandi, alemwena mubwato ubukwete icipunda, kabili Nshi bilikishe kuli bena, nangu ukubakalipila, nangu munshila imo ukubafumyamo muli ilye mibebe, lyena Nsha batemwa. Ndeesha ukubafumyamo, Shikulu, pakutila benga cingililwa.

263 Mwe Lesa waku Muulu, Ndepepela cila umo uyo wacimya amaboko yakwe. Nalimona abengi muli balya abanakashi abanono ababeye mishishi imyeni amaboko yabo, nokusenamina ukwingi pali bena mpaka baishiba ukutila bali mucilubo. Kwaliko abengi abo abashacitile ico. Nomba, Imwe muli Kapingula wa ico. Lelo Ndepepa, Lesa, ukutila Mwalabapususha. Peleni cena. Lyonse. . .

264 Balya baume bemishe ukuboko kwabo, abaume imisepela abasuma abekele nabakashi babo, kabili nafimbipo, abacimya ukuboko kwabo. Abantu abakote bacimya amaboko yabo. Nomba, Taata, ifwe twasha icalo nefintu fyamucalo, nga teifyo tekuti tu Mubombele.

265 Ndepepa ukutila Mwalailangisha Mwebene muno bushiku mu musango uwa kutila ukutila abantu bali no kumona, ukutila, i Cebo ico calandwa. Abantu kuti balanda icintu icili conse. Lelo ilyo Lesa aisa no kushininkisha i Cebo Cakwe, ukushininkisha ukutila cena Cebo Cakwe, lyena tuli nokushala ukwabula ifyakuleshanya. Napepa, Taata, ukutila Mwala cipela muno bushiku. Kabili lilya line ilyo aba bantu. . .

266 Nalimo abengi muli bena babembu. Abengi nabemya amaboko yabo, nga babembu. Kabili Napepa, Taata, lilya line ilyo bamona ukulangishiwa. . . Kabili tulesubila ukutila Mwalacिता muno bushiku, mwalailangisha Mwebene, ukutila impela ili pano. Uwenekelwa Umwana ali mupepi nokufika ku Lubuto lwakwa Abrahamu, kabili na ilya Sodomu ili nokocewa.

267 Ubushiku bumo takwakabe ilibwe nangu limo ilikashala pa libiye, ilya Phoenix. Umupoka poka ukapya. Mu musumba muno bushiku uko ubucende, ukunwa ubwalwa, banacifyashi abapepa fwaka, abana banakashi, ukushana, ukuisunsha, ukutwalilila, abaume ukwikala mubulalelale, ulubembu lwa uno musumba! Mwe Lesa, lelo Ndelolesha ukupita muli cena, no kutontonkanya ukutila, “Mulandu nshi uwakweshwa no kwesha?”

268 Lelo nomba Nalolesha panshi ukupita mulya nokumona u Lubuuto ulunono *pano* na *palya*, umwina Kristu uwashilishiwa, alepepa. “Bonse abo abateta nokulila pafya muselu ificitwa pakati ka musumba, Malaika apelwe umulimo ukubikapo Icikakatikilo pali bena, ukubakakatika, kabili abo ebashali nokonaulwa.” Kabili Napepa, Taata, kuli nokuba abengi abali nokuba abeina Kristu abaipelesha, ababa abasakamana, abashita ukususha ububi. Mwe Lesa, muno bushiku, natulelanda ifintu ifyalungama.

269 Kabili kukaba Ubushiku bwa Bupingushi ubukesa, kabili nomba tabakakwate icakubepeshamo, pantu iyi Mbila muno bushiku ikaposwa pa fitunshitunshi, mulwelele, kabili ifwe bonse tukesasuka. Eico Napepa, Taata, ukutila Mwingasambulula imitima yabo ukufuma kufintu fyonse ifya mwisonde, pakutila bengekala ababulesa muli ilisonde ilya nomba. Twalombela ifi mwi Shina lyakwa Yesu. Ameni.

270 Munjeleleko pakumisunga. Ifwe. . . Ni—Nincelwa icine cine. Kabili Nshi—Nshi. . . Mfwile naya. Mukushalikisha. . . Lyonse munshita yabushiku, Ndafuma, pa teni koloko, taicilapo. Nacilafwaya ukufuma muno bushiku pa naini sate. Nshacicita ico.

Nomba, pali miniti fye, ukubika i—icikakatikilo kufyo Nandile.

271 Nomba, mucine, Nshili kashimikila. Uuli onse alishiba ico. Nshakwata amasambililo, kabili momfya amashiwi yandi ayakale aya ku Kentucky aya “yakwe,” “tali,” na “senda,” na “bula,” na “ukusenda,” na “bena.” Kabili mwalishiba ukutila

Nshili kashimikila nga ifyo. Nshakwata amasambililo ukuba umo.

<sup>272</sup> Lelo Ndi mwina Kristu. Shikulu Yesu alimpuswishe ukufuma kulubembu. Nalishiba ico. Kabili Alimpele i Cebo cimbi ukushininkisha ifinono ifyo Naishiba. Icintu fye cimo, Nshesha ukubikako ubwilulo ubwa kumbali ubuli bonse. Nda Cibelenga. Kabili conse ifyo Cilanda, Nanda icintu cimo cine. Mwamona? Ifyo fye fyeka efyo Naishiba. Mwamona? Nomba, nga cailulwa mukuluba, Nshishibe. Ndecilandafye umusango cailulwa *umu*. Mwamona? Kabili Ena lyonse aliba kunuma yacena, no kucishininkisha.

<sup>273</sup> Nalicetekela ukutila Yesu Kristu akesa nomba line. Nalicetekela ukutila Ena ni Yesu umo wine, mailo, ileelo, nomuyayaya. Nalicetekela ukutila Atile, “Pakashita akanono, kabili isonde,” kosmos, imitantikile ye sonde, “tayakatumone nakabili. . . tamwaka Mone. Lelo, imwe muka Mona, imwe, Chalichi, pantu Ine,” ukulumbula kwa umo, “Nkaba na imwe, kabili muli imwe, mpaka kumpela yesonde. Imilimo iyo Ncita na imwe mukacita.” Namucetekela ico? Tulesanga imilimo iyo Acitile, ifyo Ailangishe Umwine eka.

<sup>274</sup> Ndepepa, muno bushiku, ukutila Lesa alasenda cino chalichi. . . Nomba, te mulandu ifyo Enga nsuba, Alingile ukumusuba, naimwe. Mwamona? Temulandu nefyo Mupashi wa Mushilo engesha ukulanda *pano*, Cena cifwile cakwata icintu cimo *kulya*, paku cumfwa.

<sup>275</sup> Yesu apitile mwibumba lya bantu, ubushiku bumo, kabili bena balepunda ukutila, “Rabbi, Rabbi, ndi uwansansa ukumkwata kuno lubali, *wakuti-na-wakuti*.” Yesu alitwalilile fye ukuya.

<sup>276</sup> Kabili kwali umwanakashi umunono uwaishile nokwisa ikata pamupaka wacakufwala Cakwe, kabili abwelelemo nokuya ikala. Yesu aiminine nokutila, “Ninani wa Nkumya?”

<sup>277</sup> Mulandu nshi, Simoni Petro atile kuli Ena, kwati, mulandu nshi, ali Mukalipile. Atile, “Ukuba, cinshi ico Mwingasosela icintu nga ico? Umuntu onse ale Mukumya.”

<sup>278</sup> Atile, “Lelo Nimona ukutila Nincepelwa amaka. Amaka,” ubo buli amaka, “na bufuma muli Ine.”

<sup>279</sup> Aloleshe ukushinguluka lyonse mwibumba. Kwaliko umuntu umo uwa Mucetekele. Te mulandu, limbi kwaliko imyanda kulya, lelo kwaliko umuntu umo uwacetekele. Ena asangile ulya umwanakashi umunono, amwebele palwa kusuma kwa mulopa wakwe, kwalileka, kabili alyundepwe. Bushe ico nacilungama? Alitwalilile ukwenda. Mwamona? Ena aba cimo cine mailo, ileelo, no muyayaya.

280 Nomba, natukwata ifitupa fyakupepelwapo ifyapelwe. Twalipele citika yaifyo, kulya mailo ubushiku, citika waifyo muno bushiku.

281 Bushe twatampile ukufuma kuli cimo, ubushiku bwafumineko? Bushe twatendeke pe kumi limo na isano nangu amakumi yabili, mailo ubushiku, ukufuma kuli umo ukuya kuli *wakuti-na-wakuti*? Cena ni cinshi? Mwatila shani? [Munyina atila, “Amakumi yabili.”—Kale.] Umo ukufika ku makumi yabili. Cisuma. Abengi muli bena bali muno muno bushiku.

282 Natupeleko yamo ukufuma kunuma yaico, nomba. Lekeni tutendeke. Lekeni tumone. Tukwete ama miniti ikumi limo na yasano, lekeni tupele ifitupa ikumi limo na fisano, lyena. Lekeni tumone, ico kuti caba amakumi cine konse konse na fisano ukufika ku mwanda umo. Lekeni tutampile ukufuma pa makumi cinekonse konse na fisano, ukufika pa mwanda umo.

283 Ninani uukwete icitupa ca kupepelwapo amakumi cinekonse konse na fisano? Imyeni ukuboko kwenu. Amakumi cinekonse konse na fisano, umwanakashi kunuma kulya? Isa kuno, nkashi. Amakumi cinekonse konse na mutanda, uyo ukwete amakumi cinekonse konse na mutanda? Muno mwine. Amakumi cinekonse konse na cinelubali, amakumi cinekonse konse na cinelubali. Umuntu umo wimye ukuboko kobe, amakumi cine konse konse na cine lubali. Uyu mwaume, amakumi cinekonse konse na cinelubali. Amakumi cinekonse konse na cinekonse konse, amakumi cinekonse konse na cinekonse konse. Amakumi cinekonse konse na pabula, amakumi cinekonse konse na pabula. Amakumi pabula, amakumi pabula na cimo, amakumi pabula na fibili, amakumi pabula na fitatu, amakumi pabula na fine, amakumi pabula na fisano, amakumi pabula na fisano. Ee. Amakumi pabula na mutanda, amakumi pabula na cinelubali. Amakumi pabula na mutanda, Nshacimona baimya, amakumi pabula na mutanda. Nomba, nga na mukwata icitupa cenu, iseni. Mwamona? Amakumi pabula na cinelubali, amakumi pabula na cinekonse konse, amakumi pabula na pabula, umwanda umo. Cisuma. Ilyo aba bantu. . . Umo, babili, batatu, bane, basano, mutanda, cinelubali, cinekonse konse, pabula. Kuliko nalimo cinekonse konse ukuluba.

284 Nomba umfweni. Cena cishinka. Mwiisa kuno nolubembu nalukobama pamweo wenu. Mufwile mwalulpila kulya, kuli Lesa. Lelo nga—nga namucita ico, nga cakuti namulapila ulubembu lwenu, iseni kuntanshi.

285 Nibanga kunse uko abashikwete icitupa ca kupepelwapo, kabili mulefwaya Yesu ukumundapa? Imyeni ukuboko kwenu. Nibanga abenga cetekela, nga Yesu Kristu kuti acita. . . Nga Ena. . . Nibanga abalecetekela ici?

286 Moneni. Nalaipusha aba bakapyunga kunuma yandi. Mweba bwananyina, bushe ico cishinka, nga bakapyunga ba Mbila nsuma, twalicutekela ukutla Baibele, mu Cipangano Cipyra, i Buuku lya Ba Hebere, itila ukuti Ena ni Shimapepo Mukalamba, ino ine nshita, Shimapepo Mukalamba uyo uwinga kumishiwa ne myumfwile ya mafya yesu yonse? Bushe ico nacilungama, mweba bwananyina?

287 Nibanga kuse uko abaishiba ukutla Baibele yalilanda ico? “Shimapepo Mukalamba.”

288 Ukuba, nga Ena ni Shimapepo Mukalamba uyo uwinga kumishiwa ne myumfwile ya mafya yesu yonse, nomba, musango nshi Ena, nga Ena aba cimo cine mailo, ileelo, no muyayaya, lyena, Acitile shani ilyo umuntu umo a Mukumishe nefyakunanuka fyabo? Namayo umunono nobwafya bwamulopa, uwa Mukumishe, pantu alikwete ubukabilo bwakwikatwa; Apilibwike, nokulolesha conse mpaka Amusanga, amwitile. Bushe ico nacilungama? Bushe ico nacilungama, mweba bwananyina? Nomba, nga Ena ni Shimapepo Mukalamba umo wine, Ena alingile ukubomba umusango umo wine, pantu Ena ni—Ena ni Shimapepo Mukalamba. Bushe ico nacilungama? Ukuba, Ena alingile ukubomba umusango umo wine.

289 Nomba, imwe tamukabila ifitupa fyakupepelwapo. Iyo. Imwe tamukabila icitupa cakupepelwapo. Icintu fye cimo ico mulekabila ukukwata icicetekelo muli Lesa. Na mukwata icicetekelo, cetekeleni fye nomutima wenu onse ukutla Yesu Kristu alondapa abalwele nabacushiwa, kabili Ena mucine ali nokucicita.

290 Nomba, natukontamike imitwe yesu pakashita fye mwipepo nomba, nakabili, ilyo icintu icili conse tacilalandwa nangu ukucitwa. Nomba, Nshilelanda ukutla Ali nokucicita. Ndesubila ukutla Ali nokucicita ico. Lelo Ni—Nincetekela, kabili Ndesubila ukutla Ali nokucicita. Nomba, nga Ena ali no kucicita, nibanga muli imwe abalacetekela? Imyeni ukuboko kwenu. Lekeni Ena acipele, epepo lyandi.

291 Shifwe uwa mu Myulu, nomba Ninanda ifyo i Cebo Cenu calanda, “Ukususha fyonse, uku Kukonka.” Bonse abashile fyonse, mfwife uku Mumona. Kabili te mulandu ifyo Mwinga cita, balya abashakashe ulubembu nokukonka, tabakatale iluka. Abo abasha ulubembu, ukukana cetekela. . .

292 Twalishiba ukutla ulubembu kukana cetekela. Te mulandu ifyo twaba abamushilo, fyonse ifyo tucita, nga ifwe tucili tulekana ukucetekela, tuli babembu. Baibele itila, “Uyo uucetekela nasushiwa kale.” Eico twalishiba ukuti tufwife ukucetekela “i Cebo conse icifuma mukanwa kakwa Lesa.” Ico cifwife caba icakulya cesu icacila bushiku.



293 Kabili Napepa, Taata, ukutila, nga fintu Nacilanda ukufuma mu Malembo muno bushiku, Ubulayo bwenu ubwa ishi nshiku shakulekelesha, nafintu tufwaya muli ishi nshiku shakulekelesha. Nga cakuti ico cali icalungama, Shikulu, lyena shininkisheni ifi Fyebo nefishibilo ukukonka. Cipeleni.

294 Naipela kuli Imwe, kabili ne Cebo, nabantu. Napepa, Taata, ukutila Mwalasembulula imitima kunse kulya, ukuti bacetekele nemitima yabo yonse, kabili ukucilapo aba abali nokuba mumulongo wakupepelwa. Kabili nombamba lekeni abantu bamone ukutila Messiya, Yesu Kristu, Mupashi wa Mushilo, ali naifwe muno bushiku. Ena ali mu Chalichi, i Chalichi Casalwa, icitwa, u Lubuto lwakwa Abrahamu, ukupitila mubulayo bwabufumu. Cipeleni, mwi Shina lyakwa Yesu. Ameni.

295 Nomba, nombamba lekeni fye ine ndoleshe, pakashita. Nomba, tuli nokusenda inshita yesu, pali baminiti, ayanono, pali baminiti ikumi limo.

296 Bushe mwali Mutemwa? [Ulukuta lwatila, “Ameni.”—Kale.] Bushe mulecetekela? [“Ameni.”] Bushe mulecetekela ifi fintu ifyo Mibelengele ukufuma mu Cebo muno bushiku fishinka? [“Ameni.”] Bushe mulecetekela Yesu alicitile ico ilyo Aali pesonde? [“Ameni.”] Bushe mulecetekela Ena alicilaya? [“Ameni.”] Bushe mulecetekela ukutila tuli munshiku shakulekelesha? [“Ameni.”] Nomba, bulya bulayo Bwakwe. Ena alingile ukwikala cena. “Nga mwaikala muli Ine, Ifyebo Fyandi fyaikala muli imwe, lyena lombeni ico mulefwaya. Cikamucitilwa.” Nomba, amatontonkanyo yenu na mapange filingile ukuba ifyalungama. Imwe mulingile ukucetekela cilya no mutima wenu onse.

297 Nomba, Nshilecetekela ukutila kuliko umuntu mumulongo wa kupepelwa uo Naishiba. Tuli beni. Ndi mweni. Kunse *uko*, abeni. Imwe bonse mwe baishiba ukuti Nshaishibapo nangu cimo palwa imwe, imwe mwe bali muli uyu mulungo unono wakupepelwa *muno*, imyeni ukuboko kwenu, nga Namwishiba ukutila nshaishibapo nangu cimo palwa imwe. Cisuma. Bonse kunse *uko*, abo abaishiba ukutila Nshamwishiba, nangu ukwishibapo nangu cimo palwa imwe, imyeni ukuboko kwenu, moneni fye. Mwacimon ico. Kanshi, cena mulimo uwafiswa. Aba *pano* bamo nefitupa fyakupepelwapo. *Kuliko* umo ushikwete amapepo . . .

298 Icitupa ca kupepelwapo tacaba nangu cimo lelo akapepala akanono nempendwa pali kena. Tumipelafye impendwa, umulumendo alesa afisakanya, kabili umuntu onse uulefwaya icitupa cakupepelwa kuti acikwata. Kabili ena taishiba, tapali nangu umbi uwaishiba, uko ine . . . Ukuba, tekuti eshibe ifitupa nga nafisakanishiwa, ukufuma kuncende imo ukutwala kumbi. Bena tabakeshibe uyo uuli nokuba mumulongo wakupepelwa,

pantu ifwe tekuti tulande ico. Inshita ishingi, tulafitwala kulya. . .

<sup>299</sup> Ilyo Natendeke ntanshi, twalikhwete umwaume kulya lubali uwaleshitisha ifitupa fyakupepelwapo. Umo muntu atile, “Nalakupela ama dola imyanda isano ukuti ubike umukashi wandi mumulongo.” Mwamona?

<sup>300</sup> Nabulile umwana wandi. Nomba Natile, “We mwana, ukufumyapo ukutwishika kubantu, eico balishibe ukuti teti ushitishe icitupa cakupepelwapo, uleya pantanshi yabo, wasakanya ifitupa nga *ifi*, elyo wabapela umuntu onse uulefwaya. Kabili kunse yaico, we mwana, iwe tawaishibe uko Nalatampila ukwita mpaka Ine mfike kulya.”

<sup>301</sup> Nibanga abamona ico mukulongana, inshita ne nshita? Cila nshita, Ndacinja, nokwisa *kuno*, *kulya*. Kabili nomba, kunse ya ico, uko umu aundapwa pacintamba, kulaba ikumi limo na babili abetwa kunse *kulya*, mwamona, ico nacilungama, ukwabula icitupa cakupepelwapo.

<sup>302</sup> Eico cena tekuti mube necilubo ukutula ni Shikulu Yesu Kristu, cimo cine mailo, ileelo, no muyayaya.

<sup>303</sup> Bushe muli nokusha fyonse, ukuti mu Mukonke? Bushe mulefwaya ukusha ukukana cetekela kwenu, ukuti mu Mukonke ku kundapwa? Shen ifyenu—ifyenu ifintu fyamwisonde, ukuti mu Mukonke muli bumushilo, nokwenda palwa Ena. Citeni ico nomba. Nshilelanda ukutula Ali nokucicita. Nga Alacita, lyena muli nokwishiba.

<sup>304</sup> Uyu mwanakashi uwiminine *apa* pene, ici eci—ecikope nakabili, nga fintu Nalandile ubushiku bwafumineko, muli Yohane Washila 4. Uyu apa umwaume nomwanakashi, bakumana umuku wakubalilapo mumweo wabo. Kabili cali ni pacipuna icinono. Nga mwali kulya mu Samaliya, kunse ka Sikari kulya, i—icishima icinono, kuli ubwangalo ubunono, imyangashi mumbali yaico, nga *ifyo*. Apo epo umwanakashi aikele, alelanda na Yesu. Umwaume, umwanakashi, bakumene inshita yakubalilapo. Kabili Aebele ulyo mwanakashi ifyo bwafya bwakwe bwali. Ubwafya bwakwe bwali, ena ali uwalubembu.

<sup>305</sup> Limbi kuti caba ni ena. Limbi kuti aba umubembu. Limbi kuti aba bumbi munda. Limbi kuti aba uwashila. Limbi kuti afwaya ukundapa umubili wakwe. Ena limbi kuti afwaya ukundapa umuntu umbi. Ena limbi kuti akwata indalama. Ena, Nshishibe ico eshile muno. Ine tekuti mwebe. Eminine fye kulya, umwanakashi. Epelafye. Ico e cine. Ifwe tatwatala atukumanapo. Lelo nga cakutula Shikulu Yesu ali nokwisa pano. . .

<sup>306</sup> Nomba, ukumundapa, nga nalwala, tekuti Ncicite. Tekuti ncite ifyo Lesa acita kale. Nomba, icintu fye ceka. . .

307 Nga cakutila Yesu aliminine pano neyi insuti nafwala? Nga ena aisa kuli Yesu nokutila, “Yesu, bushe Walamposha?”

308 Ukuba, Ena kuti atila, “We mwana wandi, Nalicita ico kale. Nalicenenwe pa membu shobe. Ku filaso Fyandi eko mwaundepwe.” Bushe ico nacilungama? Mulimo uwapwa.

309 Iwe waisa, watila, “Yesu, bushe Walampususha ine? Bushe Walampususha ine?” Ilyo telipusho. Ena kale alicita ico.

310 “Shikulu Yesu, Napokelela Icikonsolwelo Cenu. Ndi mubembu.” Mwamona? Imwe mwalipuswike kunuma kulya. Imwe mwalyundepwe kunuma kulya. Imwe mwacisumine fye. Kucitetekelo eko mwapusukila. Kucitetekelo eko musumina ipusukilo lyenu.

311 Kabili umuntu onse aisa, akweba ukuti alikwata amaka yakundapa, kabili ena kuti akundapa, iwe uli . . . iwe utalukeye kuli ico, pantu cena teo. Amaka ya kundapa yaba muli Kristu, umulimo uwapwa kale.

312 Ngo muntu akweba ukutila Lesa namupela amaka yakwelela imembu shobe, nokucita ico, wicitetekela ico. Bena balyelwa. Yesu ilyo emimine muno bushiku, icintu fye ceka, cena kuti cabilisha ukutila Ena ali Mwana wakwa Lesa.

313 Nga cakuti Aali. . . Nga cakuti nomba amaboko yandi yaiswilefye ifibala fya misomali, nomulopa ulefuma muli yena, nemunga *apa*? Ico nalyo line tekuti cicipange ukutila ni Yesu. Uyo kuti waba umubili wandi.

314 Kabili twalishiba ukutila umubili waikala ku kuboko kwa kukulyo ukwa kwa Lesa. Kabili ilyo ukesa, inshita ninshi yapwa. Ico nacilungama. Lintu Yesu aikila, epelafye.

315 Lelo Ena ali muno mumusango wa Mupashi. Kabili lyena Umweo Wakwe uli muli imwe Naine, ukumupela icicetekelo nokumpela icicetekelo.

316 Nomba, lolesheni kuno. Ici—ici icisoselo, nga takwali ishiwi ilya mweo pano ilya kulanda muli cena, cena kuti caba tondolo mumupwilapo. Bushe ico nacilungama?

317 Nomba, lolesheni. Umfwikisheni, pakutila mwicipanya nomba. Uyu mulandu, nga Lesa ali no kuucita, ali no kucipwishisha.

318 Nomba, ici icisoselo teti cilandepo icintu nangu cimo, pantu cena tacakwata nangu cimo icakulandapo. Bushe ico nacilungama? Nomba, inshilafye imo iyo ici soselo cinga landilamo, nipacintu cimo ukulanda muli cena.

319 Nomba, Ndi pano. Nshishibe ulyo mwanakashi, nshatala mumonapo. Ayo maboko yandi kuli Lesa, kabili acimya amaboko yakwe, ukutila tatwaishibana umo nomubiye. Nshaishibapo nangu cimo palwa ena. Lelo, mpaka Icintu cimo caisa *umu*, ukulanda ico cili icalubana *kulya*, Ndi tondolo,

naine, pantu Nshaishiba nangu cimo. Lesa alishiba ukutila ico nacilungama. Mwamona? Cena cilingile ukuba Icintu cimo icilelanda.

<sup>320</sup> Nomba, imwe kuti mwasenda ukusala kwenu. Nga imwe, nga Filipi, atile. . . Nangu, Natanaele atile, “Nimwe Kristu, u Mwana wakwa Lesa wa mweo. Imwe muli i—i Mfumu yakwa Israeli.” Mwamona? Nangu kuti mwaba nimwe ukulanda ukutila cali ni Belesebuli. Mulemona apo babelele muno bushiku? Ndesunguka apo Nathaniele ali muno bushiku. Uushifwa. Mwamona? Sendeni ukusala kwenu. Ico cili kuli imwe. Mwamona?

<sup>321</sup> Lelo nomba, Ndelanda ico, ukulolela ukumona nga cakutila Ampela ukusubwa. Nga Ena talapela ukusubwa, lyena kwaba fye icintu cimo ico Ninga cita, ba cibusa, kulomba ubwelelo, ukutila Tankumenye munshita yabushiku. Kabili nomba twalabikafye amaboko pali aba abantu abalwele nokubapepelako, kabili tulelomba amapalo, ukupela ubwite bwa kucipailo, nokuya ku ng’anda. Ifyo fye fyeka efyo twingacita. Ifyo fye fyeka efyo Naishiba ukucita.

<sup>322</sup> Lelo nga Aisa, lyena Ndetontonkanya cila umo uwamuli imwe uyo wacimya ukuboko kwenu, uo imwe mwalefwaya ukumona Kristu, Ndetontonkanya ukutila cena mulimo wenu, lilya line fye ici capwa, ukwisa kuno kwine nokufukama panshi, nokutila, “Shikulu Yesu, Ine nomba nacimba kuli Imwe.”

<sup>323</sup> Pantu, nga Ndi wabufi, Takatale shininkisha uwabufi. Ena takakwatelo icakucita nolubembu. Lesa takacite ico. Lelo nga Nimweba Icine, lyena Ali nomulimo ku Cebo Cakwe, uku—uku—ukushininkisha ukutila cena Cine.

Lesa, peleni ico.

<sup>324</sup> Nomba beni fye abakatina. Mwamona? Ukuli konse mwibumba, beni fye abakatina.

<sup>325</sup> Ine limbi ningile ukulanda kuli iwe pali miniti fye, namayo, icintu fye cimo nacimbi. Nshileumfwa ukusubwa pali ine. Kabili Nsha—Nshakwishiba, kabili eico ico eco. Nomba, icintu fye cimo ico Ndefwaya imwe ukucita, nga cakutila Namilomba icintu icili conse, tilenifye “ee” kabili “iyo.” Mwamona? Nomba, umulandu Ndecitila ici. . . Natubulefye icintu cimo, pakuti cena cinga. . .

<sup>326</sup> Ifwe tatulefwaya ukusha Amalembu. Ikaleni fye mu Malembu, lyena ifwe twalishiba ifwe tuli abalungama.

<sup>327</sup> Nomba, tutile, Yesu, nomba, Ena ali kulya mucalo cimbi. Kabili Ena ali mubulendo Bwakwe ku Yeriko, ico cali ukulola fye kulya kwine kulupili. Lelo Ena alikwete ukukabila ukupita ku Samaliya, *uku* lubali. Nomba, Taata ali Mutumine kulya lubali. Yesu atile. . .

<sup>328</sup> Mu chapitala ikonkelepo, chapitala 5, lintu Ena aundepe umuntu uyo uwakwete ubwafya. Amakana yabantu balambalele

palya, imitapendwa yabalemana, impofu, abashenda, ababulebe, balelolola amenshi ukusela. Kabili Yesu alishile, kabili Amwene umuntu uwakwete ubulwele bwanshita ntali, nalimo i Ntanda Bwanga, nangu ubwafya bwakubufyashi, nangu icintu cimo. Kabili Amulengele ukuposhiwa, pantu Alishibe ukuti aali kulya, kabili alishibe ukutila aali muli ulya musango. Alitwalilile, ashile ibumba lyonse kulya. Nalitwalilile, ukuya. Twalishiba ukutila ico cishinka. Bushe ico nacilungama?

<sup>329</sup> Basangile, aba Yuda bali Musangile, noku Mwipusha. Bale Mwipusha nakabili munshita ino iyabushiku. “Mulandu nshi Ena? Nga kakutila Alikwata inkumbu, kabili alitemwa umuntu onse, mulandu nshi Engashila lilye bumba lyonse ilyabalemana, impofu, abashenda, nababulebe, nabekala palya?”

<sup>330</sup> Aundepe fye umuntu umo uushali umulwele nganshi. Tali no kumwipaya. Alicikwete, imyaka amakumi yatatu na cine konse. Bwalikokwele. Aleenda. Atile, “Ilyo Ndeya kulya kucishiba, umuntu umo alancimfya kulya.” Mwamona? “Umuntu umo alantangilila.” Lelo Alengele ulya muntu umo ukuposhiwa.

<sup>331</sup> Kabili ilyo ba Mwipwishe, Ifyebo Fyakwe ifi apa. Yohane Washila 5:19, “Icine cine, cine, Ndelanda kuli imwe ukutila, u Mwana tekuti acite icintu mu Mwine eka; lelo ifyo Amona Taata alecita, efyo no Mwana acita pamu.”

Eico ilyo Aile ku Samaliya, Shikulu ali Mutungulwile kulya lubali.

<sup>332</sup> Nomba, Shikulu alintungulwile, umubomfi Wakwe, ku Phoenix. Euntungulwile kuno lubali muno bushiku. Nomba Ndi pano, ukulanda Ifyakwe.

<sup>333</sup> Nomba, ilyo Yesu aile ku Samaliya, icintu ca ntanshi Asangile cali umwanakashi uwaishile ku cinso Cakwe. Alandile nankwe mpaka Asanga imibele yakwe. Ilyo Ena amwebele, bwangu bwangu ena alilwike cena ukuba nalimo kasesema nangu Messiya uwalaiwa. Atile Ena aali ni Messiya. Mwamona?

<sup>334</sup> Eico twalishiba ukutila bakasesema bali munshiku shakale. Ileo ni Kristu. “Lesu munshita yakale kabili mufyakaniko ifingi alandile kuli taata muli kasesema; muli shino nshiku shakulekelesha ukupitila mu Mwana Wakwe, Kristu Yesu,” uyo uuli Mupashi wa Mushilo muli ifwe.

Nomba Ena ali muno.

<sup>335</sup> Namusumina ico. [Nkashi atila, “Ee.”—Kale.] Ndefwaya ukumwipusha, ngo mwina Kristu umo nomubiye. Lilya line fye Nacilolesha kulya lubali, imwe kuti mwalanda icintu cimo calicitike, icisuma nganshi, Umupashi wapetama. Ico nacilungama? Imya ukuboko kobe nga cakuti cishinka cishinka, icakuti abantu bamone. Mwamona? Nomba, ino ine nshita, ukulolesha pa mwanakashi, nga kuti mwamumona (Mwamona kulya?), Ulubuuto lwa cinyamuti, luleshinguluka umwanakashi.

336 Nomba ena afuma pali ine. Iyo. Cena ca muntu umbi. Cena mwanakashi umbi. Cena cili, iwe ulepepelako umwanakashi, umuntu umbi. Mupongoshi obe. Kabili alikwata i—imfyo ilemushupa. Kabili—kabili akwata fye ulufyo lumo. Kabili naumfwa umwensu ukutila lipwa londa. Kabili uyo e mulandu wine mubebele muno, ukunjipusha ukumupepelako. Ico ni EFYA SOSA SHIKULU. Naucetekela? Kabiye, cetekela nomutima obe onse, kabili bena tabalingile ukucisesha. Witwishika. Senda ico cintu icinono ico ukwete mukuboko kobe, uyecibika pali ena.

337 Ulecetekela nomutima obe onse?

338 Uli shani? Tuli beni, na ifwe, kuli umo nomubiye. Ukulongana kwesu ukwa kubalilapo. Kabili nga... Lesa, ukupitila mu Mwana Wakwe, Yesu Kristu, natuma Umupashi Wakwe. Yesu atile, “Apo ponse apo babili nangu batatu balongana mwi Shina Lyandi, Ndi nokuba pakati kabo.” Bulya bulayo Bwakwe, bushe tacili ifyo? Nomba, Ena tekuti aibeshemo mubulayo Bwakwe.

339 Icintu fye cimo, ico, ifwe twaliba ababula ukutontonkanya kwakufikapo mucicetekelo, mpaka twafilwa uku Mumona. Ulya e mulandu wine Lesa atumina bakasesema pesonde. Mwamona, abantu tabakabelenge Baibele yabo, kabili bena—bena tabacita ico, bena bayafye, eico Lesa lyonse alabatumina icishibilo. Kabili ilingi line kasesema cishibilo. Mwamona? Kabili ileelo Mupashi wa Mushilo e Cishibilo cesu, pantu Ena ni Kasesema wakwa Lesa ukwenda ukupitila muli ifwe. Ena ni Kasesema wakwa Lesa, Icishibilo ca nshiku shakulekelesha.

340 Nomba, ukwabula ukwishiba imwe, kabili ukwabula ukwishibapo nangu cimo pali imwe. Lelo nga Shikulu Yesu Kristu, ico Nacilanda fye, ukufuma muli Baibele, kuti alanda ukupitila muli ine nokunjeba icilengele wiminine apo, bushe kuti cakulenga ukucetekela? [Nkashi atila, “Ee.”—Kale.] Bushe kuti calenga ibumba ukucetekela?

Nomba, Taata alekutika. Ninjishiba.

341 Ulecushiwa nemibele ya mwensu nokusakamana. Ico nacilungama. Nga cakuti nacilungama ico, imya ukuboko kobe.

342 Nomba, umuntu umo kulya atontonkenye ukutila Ndeelenganya fye ico. Nomba, iwe tekuti ucifise nomba, munyina. Cena cileisa muno. Mwamona? Ninkwata ico. Mwiesha ukucetekela ico. Mwiesha ukucetekela ico. Ulo lubembu. Ico kukana cetekela. Lesa akamwebaula pali cena. Imwe mukasuka pa Bushiku bwa Bupingushi. Ningile ukwita ico, lelo ilingi line Ndesa mukuba mubwafya.

343 Nshishibe ifyo Amwebele. Pakashita fye. Ee, ico cili palya, icinshingwa. Cena mwensu nokusakamana, ukunakuka. Ukunakuka kuli cena, ukufulunganishiwa konse, walicikwete pa nshita itali. Ico nacilungama. Naukwata ubwafya nabumbi, pamo. Naukwata umuntu umo untu ulepepelako. Umulumu

obe, mucipatala, nobwafya bwamumala, nomba line elyo bamubombe. Misisi Good, kabiye ku ng'anda, cetekela nomutima obe onse. Kabili ubike ico pali ena, kabili ala—alapola. Lesa akupale.

<sup>344</sup> Bushe Alimwishiba? Mwamona? Mucine, Alacita ico. Ndemona. Ico cili... Bushe tamwiluka ukutila Yesu umu wine uwaendele mu Galili ni ulya wine Yesu muno bushiku? Bushe tekuti mwiluke ico?

<sup>345</sup> Nomba, Nshaishibapo nangu cimo palwa... Ndetontokanya ulya ali umwanakashi uwapepelwepo, *palya* pene. Bushe ico nacilungama? Paliko bamo abantu abamwishiba uyu namayo? Palipo abantu abamwishiba uyu namayo? Imyeni ukuboko kwenu. Bushe ifyo fintu fyalilungamika? Pepesha amaboko yenu, nga eflyo cili. *Apo* pene. Ico cisuma.

<sup>346</sup> Isa. Ulalanda Icingeshi? [Munyina atila, “Ee, mukwai.”—Kale.] Ico nacilungama. Mwenye? [“Mwenye.”] Nalikwata umucinshi kuli imwe; umwina America umwine mwine. Nshiletontokanya... Ine, ngo muntu umu, teti Nkwate ukusala. Kuti Nasala fye ukusala kwandi kumo. Ndemona tabamisunga bwino. Nawishiba ukutila Nshicita ifyo. Ndetontokanya, mucifulo cakutuma ba milioni naba billioni bama dola, kufyalo fya kutali, bena balingile ukusakama imwe mwebantu. Nacilungama. Nacilungama. Nacilungama nganshi. Umutima wandi lyonse walainaimwe. Nali kulya pancende basunga mu San Carlos, tekale sana. Ifyo Mupashi wa Mushilo aendele mulya, nokundapa balya bantu ababusu!

<sup>347</sup> Ndi mweni kuli imwe, mukwai. Nshamwishiba. Nshatala mumonapo mumweo wandi. Ifwe tuli abeni abapwililika. Ico nacilungama. Tuli imitundu yafuma mufyalo fibili. Nine Anglo-Saxon; iwe uli mwenye waku India. Nalikwata umulopa uunono muli ine ukufuma kuli bamayo. Bamama bali ba Cherokee. Naliba ne cilumba pali ico. Cisuma. Lelo nga munyinane, teti Ncite akantu nelyo kamo akakukucena. Kuti nakwafwilisha fye.

<sup>348</sup> Umukowa wabamwenye baku India, wali, nga balikwete umu pakati kabo, uyo wingasobela nokulangisha ukwali inama, aishileba kasesema pakati kabo. Kabili bena bali... Lelo nga ena alandile kabelala icintu cimo ico cishali icalungama, ena alingile ukufwa pamulandu waico. Ena alingile ukucita ico. Ico nacilungama. Bena takwali ukulufyanya kuli bena.

<sup>349</sup> Nga cakutila Lesa ni Lesa... Icalo limbi kuti camupela imwe umulimo uwabipa, lelo Lesa takatale ukumupela ico. Ena atumine Umwana Wakwe kuli imwe.

<sup>350</sup> Ndemonafye icacitika. Iwe elyo wafumafye mucipatala. Uh-huh. Waisa kuno mukupepelwa. Naukwata ubwafya bwa mumala, kabili ulolelela ukubombelwa. Ico ni EFYA SOSA SHIKULU. Isa kuno.

Shifwe uwa mu Myulu, Ndeebaula ubu bwafya bwamumala.

351 Satana, walifisama ukufuma kuli dokota, lelo tawakatale fisama kuli Lesa. Fuma muli ena, mwi Shina lyakwa Yesu Kristu. Amen.

Mwisakamana palwa cena. Twalilileni, cili fye bwino.

Ulecetekela?

Ulishani?

352 Uyu namayo munono uwikele *apa* pene, alepepa, kunuma fye ya uyu mwanakashi uwacaice uwikele kuntanshi, nobwafya bwacisu, ulecetekela Shikulu Yesu alakundapa, namayo? [Nkashi atila, “Ndecetekela Alicitile.”—Kale.] Ico eco.

353 Njebeni Uo akumishe. Ali ama fiti amakumi yabili ukufuma kuli ine. Akumishe Shimapepo Mukalamba, ico nacilungama, uyo uwingatusakamana ku fyakunakuka kwesu. Bushe ta mulecetekela ico?

354 Ulecetekela, namayo? [Nkashi atila, “Ee.”—Kale.] Ulecetekela ukutila Lesa kuti anjeba ifyo ubwafya bobebuli? [“Ee, Nincita ico.”] Teiwe weukwete ubwafya, ni nkashi yobe. Nkwata ipwalonda. Ico nacilungama. Wicita . . . Cetekela, witwishika. Bula akatambala ako kwete kena, kabili ubike pali kena. Cetekela nomutima obe onse. Ena ali nokufuma muli ico, nga cakuti wacetekela ico nomutima obe onse. Kabiye panshi. Uh-huh.

355 Kwateni icicetekelo. Bushe mulecicetekela nomutima wenu onse?

Naifuma pacintamba. Cili mucintu bwingi.

356 Ena munono, umwanakashi uwaonda uwikele kunuma kulya, uyo wakwata ubwele bwa Ntanda Bwanga. Uwikele kunuma kulya, alepepa. Naucetekela Lesa alakunapa? Naucita ico? Namayo umunono uuloleshe kuntanshi, ali kunuma uko. Imya ukuboko kobe, kunuma uko, namayo, kunuma fye ya ulyo mwaume uyo uleshinguluka. Cetekela nomutima obe onse. Ee. Umunono, umwanakashi uwabeye mishishi. Cisuma. Ico eco. Cetekeleni ico, kabili cena capwa.

357 Ni cinshi ico akumishe, kunuma kulya kunuma? Nde mukonkomesha ukucetekela cena.

358 Nga palwa iwe, namayo? Bushe naucetekela ukutila ubo ubwafya bwanuma nabufuma pali iwe, ukutula apo wiminine pano? Ukuba, nomba, twalilileni fye ukuya pantanshi. Ico fye ceka eco mulingile ukucita. Cetekeleni ico nafyonse ifili muli imwe.

359 Mwalikwete icintu cimo cine. Eico nga cakuti mwacetekelafye, twalilileni ukulaenda, muletila, “Na Mutotela, Shikulu. Cilengeni cibe bwino.” Cetekeleni nomutima wenu onse.



360 Uletina ukuti walalemana nobulwele bwakukalipa amafupa. Bushe teifyo? Eico nga wacetekela, cetekela nomutima obe, kabiye cetekela nomutima obe onse, nokundapwa. Ico fye ceka eco mulingile ukucita, caba ukucetekela.

361 Ulecetekela? Nga palwa bamo imwe mwe bantu kunse uko? Bushe muli mucicetekelo, ukucetekela?

362 Nga cakuti Nakweba ukuti Yesu nakundapa, apo wiminine, bushe kuti wacicetekela? [Nkashi atiila, “Ameni.”—Kale.] Tamba fye ukwenda, mwamona, ukucetekela nomitima obe onse.

363 Ulefwaya ukuya kung’anda nokuyalya icakulya cacungulo? Cetekela ukutila ubo ubulwele bwamumala nabufumapo pali iwe? Twalililapo, uyelya nga ulefwaya. Cetekela.

Bushe naucetekela?

364 Nga palwa ulya umwanakashi uwikele palya, alepepelako ulya umunono, ulya umwana, nakwata imibele ya mulopa? Naucetekela Lesa alaundapa umwana? Cisuma, iwe kuti wacikwata.

365 Ubupumine ulya namayo, uukonkele—uukonkele pali iwe apo. Ena naikala palya alepepelako imibele yamwensu nokusakamana, ico nacilungama, uukonkelepo pali iwe. Kabili, walikwata ndume obe uwakwata ubulwele ubwakulola kukuana tontonkanya bwino. Ico nacilungama. Naukwata banyinenwe abakwete ubulwele bwamensu. Nga cakutila wacetekela nomutima obe onse, Lesa alabondapa. Ameni.

366 Mwali Mucetekela?

367 Nga palwa iwe kuno lubali, mucipuna camipeto? Naucetekela? Ulya mwana obe uwikele palya, ulya acilanda fye cilya nomba. Ulya mwana obe. Naukwata ipwalonda pamenso yobe. Taumfwikisha. Ulefwaya ulubatisho lwa Mupashi wa Mushilo. Ico nacilungama. Nga ulecetekela nomutima obe onse! Naumucetekelako, we mwana? Naucetekela ico nomutima obe onse? Mwebe muktwti kwakwe. Bika ukuboko kobe pali ena, kabili leka ena apokelele ulubatisho lwa Mupashi wa Mushilo.

368 Bushe mulecetekela Yesu Kristu aba cimo cine mailo, ileelo, no muyayaya?

369 Bushe mwalicetekela Messiya, Messiya umukalamba uwakwa Lesa, alesa pakati kabantu Bakwe?

370 Bushe uli uwakabila ukukana fyonse noku Mukonka? Nga namucetekela, imyeni amaboko yenu kuli Ena, nokutila, “Ndi noku Mukonka. Ndi noku Mukonka. Ine nka Mucetekela. I Cebo conse ico Alanda, Ine nka Mucetekela. Nkalungamika umweo wandi. Nka Mubombela.” Lesa abe uwaluse! Lesa amupale.

371 Nibanga abacetekela abali muno nomba? Imyeni ukuboko kwenu.

372 Nibanga abalefwaya ukupalama kuli Ena? Imyeni ukuboko kwenu. Bonse abalefwaya ukupalama kuli Ena noku Musumina ino ine nshita, Ena ali muno mwine. Kuli u Kubapo Kwakwe.

373 Ulyo mwaume kunuma kulya nobwafya bwafilundwa fyabufyashi, cena nacipwa, munyina. Lesa alikundepe lilya line fye.

374 Mulandu nshi, Cena cileyafye konse konse kwati ngefyo, mu Lubuuto, ukulashinguluka monse mucikulwa. Icintu icili conse kuti cacitika ino ine nshita. Ifwe kuti twakwata pentecosti imbi, nga imwe mwacetekela fye cena.


375 Iminineni pamakasa yenu, cila umo muli imwe. Imyeni amaboko yenu kuli Lesa. Mupeleni Ena amalumbo.

376 Na Mutotela, Shikulu Yesu. Ifwe tule Mushinshimuna, Taata, pantu ukutila Muli Kapususha wesu kabili Lesa wesu. Muli pano. Namushininkisha i Cebo. Namu Cishininkisha ukuba ifyo. Imwe muli Lesa, Messiya, cimo cine mailo, ileelo, no muyayaya. Ukwabula ukufilwa, ukwabula ukutwishika, Nimwe umowine Shikulu Yesu. Lilumbanishiwe i Shina Lyakwe ilya Mushilo!

377 Bushe mwali Mutemwa? Tileni, “Ameni.” [Ulukuta lwatila, “Ameni.”—Kale.]

378 Nibanga muli imwe abali abacetekela nomba? Imyeni ukuboko kwenu. Nomba, Yesu alandile ici, Umwine, “Ifi fishibilo fikakonka abo abacetekela. Nga babike ndupi shabo pabalwele, bakondapwa.” Teine fye neka uwakwata Mupashi wa Mushilo. Wali Ukwata, pamo. Uli uwacetekela, cimo cinefye nga fintu Ndi uwacetekela. Nomba sha ukutwishika kobe konse.

379 Bika ukuboko kobe pamuntu umo kabili ucetekele ukutila Lesa alaundapa uyo muntu, umwabela i Cebo Cakwe. Nga Ena ali nokusunga uyu musango. . . Imwe bikeni ukuboko kwenu pa muntu umo, kabiyeni muku bapepelako, tileni, “Shikulu, undapeni uyu muntu.” Pepeni nokumona ico cilecitika. Iwe uli uwacetekela.

380 Lesa Uwamaka yonse, mwi Shina lyakwa Yesu Kristu twalicimfishe ciwa. Twalimukalipile, nokufwambulula amaka yakwe ukufuma kuli ena. Kufilaso ifyakwa Shikulu Yesu Kristu ifwe twalyundapwa. 

62-0123 Ukusha Fyonse  
Sunnyslope Assembly Of God  
Tempe, Arizona U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembe na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)